

詩
毛
氏
傳
疏

詩毛氏傳疏卷二十一

長洲陳奐學

甫田之什詁訓傳第二十一

毛詩小雅

甫田之什十篇三十九章二百九十六句

甫田四章章十句

甫田刺幽王也君子傷今而思古焉

倬彼甫田歲取十千

傳

倬明貌甫田謂天下田也十千

言多也我取其陳會我農人自古有年

傳

尊者會新農

夫會陳今適南畝或耘或耔黍稷薿薿

傳

耘除草也耔

雖本也攸介攸止烝我髦士

傳

烝進髦俊也治田得穀

俊士以進

疏

傳云倬明兒兒當作也說文倬明也釋文引韓詩作勤彼甫田云勤卓也倬倬卓同

甫爲大甫田卽大田故云謂天下田也楚語天子之田九畝以食兆民王取經入焉以食萬民韋注云九畝九州之內有畝數也十千爲萬故云言多也傳文豐夫當依經作農人正義作農人食陳經言取陳食農人耳傳云尊者食新者以申補經義也周禮旅師春頒粟又管子五行篇發故粟以田數是其義也尊者農人對稱則尊者君上也孫毓說尊者爲尊老恐非是有年豐年也箋云自古者豐年之法如此○今謂成王時耘釋文作芸說文穎除苗閒穢也或从芸作耘耘當作籽或作芋說文籽雖禾本本傳訓也廣雅云薺薺茂也玉篇穢穢然黍稷盛兒漢書作擬擬漢書食貨志后稷始訓田以二耜爲耦廣尺淡尺曰耜長終晦一晦三耜一大三百畝而播種於畝中苗生三葉以上稍壯耜隴草因墮其土以附苗根故其詩曰或芸或芋黍稷擬擬芸除草也籽附根也言苗稍壯每耜附根比盛暑隴盡平而根淺能風與旱故擬擬而盛也義與傳同○介大也止猶息也攸介攸止烝我髦士承上文黍稷嶷嶷而言長大其黍稷休息其民人也二章云以介我稷黍以穀我上

女文義同烝進已見信南山篇髦俊爾雅釋言文域樸
髦士攸友思齊譽髦斯士傳並云髦俊也爾雅又云髦
選也倉貨志冬月餘子在序室八歲入小學學六甲
五方書計之事始知室家長幼之節十五入大學學先
聖禮樂而知朝廷君臣之禮其有秀異者移鄉學于庠
序庠序之異者移國學于少學諸侯歲貢少學之異者
於天子學于大學命曰造士行同能偶則別之以
射然後爵命焉此傳所謂治山得穀俊士以進也

以我齊明與我犧羊以社以方傳器實曰齊在器曰盛

社后土也方迎四方氣於郊也我田既臧農夫之慶琴

瑟擊鼓以御田祖以祈甘雨以介我稷黍以穀我士女

傳田祖先嗇也穀善也

疏

齊明明齊也明齊即左傳絜
案也釋文齊本又作齋豐年

傳作齋盛他經典多作菜盛作齊者古文假借字器實
曰齊實謂黍稷也黍稷為齊齊在器曰盛故經言齊而
傳乃兼言盛耳犧謂牛閼宮享以騂犧傳犧純也騂犧
皆牛之色因之謂牛為騂亦為犧也大田來方禋祀以

其駢黑傳駢牛也是祭社用牛矣白虎通義五祀篇云
祭五祀天子諸侯以牛卿大夫以羊因四時祭牲也中
雷以豚或曰中雷用牛豈四郊五祀尤尊而祭社反不用牛
乎鄭箋據曲禮犧牛爲純色之牛遂謂此犧羊爲純色
之羊恐非是○昭二十九年左傳云后土爲社此傳所
本也后土爲社神祭社以句龍配食左傳云土正口后
土又云共工氏有子曰句龍爲后土后土又爲五祀之
神而亦以句龍配會也魏獻子問社稷五祀誰氏之五
官史墨既詳荅五祀又詳荅社稷是后土在五祀之內
而社不在五祀之中故言五祀又別言社稷也周禮大
宗伯以血祭祭社稷五祀五嶽以鯉沈祭山林川澤以
醢辜祭四方百物鄭注云不言祭地此皆地祇祭地可
知也則地祇亦卽在五祀中矣大司樂注云地祇所祭
於北郊謂神州之神及社稷又云土祇原隰及平地之
神也然則土祇地祇皆地祭之名祭原隰之神謂之土
祇地以方丘之祭爲大禘神其號謂之地祇黃帝及后
土之神皆祀焉而以稷配黃帝句龍配后土者也后
稷配天於南郊配地於北郊北郊亦在中坳而非大禘
五祀也若春祈秋報雖亦於中坳而非大禘祀天神不

祀天帝而專以句龍配者也此謂社也后土爲五祀亦爲社五祀祀后土兼祀黃帝社亦祀后土專祀后土亦卽五祀中別而尊之爲兩祭而實同祀后土高誘注呂覽孟冬紀云社爲土官稷爲木官俱在五祀中以其功大故別言社稷是已傳云社后土與五祀后土不同白虎通義社稷篇歲再祭之何春求秋報之義也是春秋皆祭社一祈一報詩下文云以祈甘雨當指春祈雲漢篇祈年孔夙方社不莫此祈年方社之明證矣箋與周禮大司馬注皆指秋報說○周禮大宗伯以玉作六器以禮天地四方以蒼璧禮天以黃琮禮地以青圭禮東方以赤璋禮南方以白琥禮西方以玄璜禮北方此卽曲禮所謂天子祭天地祭四方也鄭注禮天以冬至謂天皇大帝在北极者也禮地以夏至謂神在崑崙者也禮東方以立春謂蒼精之帝禮南方以立夏謂赤精之帝禮西方以立秋謂白精之帝禮北方以立冬謂黑精之帝鄭亦謂地卽地祇而四方卽四時迎氣矣書大傳云萬物非天不生非地不載非春不動非夏不長非秋不收非冬不藏故書湮于六宗歐陽大小夏侯說六宗上不及天下不及地旁不及四方是四方亦在六宗內也掌次王大旅上帝朝日記五帝又司服祀昊天上帝

服大裘而冕祀五帝亦如之合上帝五帝即爲六宗不
數上帝則爲五帝小宗伯兆五帝于四郊其中央帝爲
黃帝黃中和之色亦即地祇也中庸郊社之禮所以事
上帝言上帝以該地祇也尊之雖地祇亦稱天稱帝也
月令春帝大皞夏帝炎帝中央帝黃帝秋帝少皞冬帝
顓頊所謂五帝也春神句芒夏神祝融中央神后土秋
神蓐收冬神玄冥左傳木正曰句芒火正曰祝融金正
曰蓐收水正曰玄冥土正曰后土所謂五祀也少皞氏
有四叔曰重曰該曰脩曰熙重爲句芒該爲蓐收脩及
熙爲玄冥顓頊氏有子曰犂爲祝融共工氏有子曰句
龍爲后土所謂五官也尊之曰五帝神之曰五祀其義
一也然則天地四方謂之六宗地與四時謂之五帝又
謂之五祀所配食之人神謂之五官不連地祇言則謂
之四方四方皆爲壇祭之祭義云四坎壇祭四方也書
大傳云壇四與注謂祭四方之帝四方之神是鄭解四
方亦依月令四時之帝神而言月令孟春立春之日天
子迎春于東郊孟夏立夏之日迎夏于南郊孟秋立秋
之日迎秋于西郊孟冬立冬之日迎冬于北郊此四郊
迎四方之氣四時之帝神皆與祀焉而中央之帝神雖
旺於夏季實則仲夏至月在方丘以祭之四時所以成

歲故於四立之日迎四方之氣月令亦並無中央迎氣
之文傳云方迎四方氣於郊正本月令爲說書五行傳
中央之極自崑崙中至大室之野帝黃帝神后土司之
土王之日禱用牲迎中氣于中室司馬彪續漢書志月
令有五郊迎氣服色先立秋十八日迎黃靈于中兆祭
黃帝后土說同五行傳唯惠棟明堂大道錄云郊特牲
正義五時迎氣東方青圭南方赤璋西方白琥北方玄
璜其中央無文先師以爲用黃琮黃琮禮地卽方澤之
祭先師之言得其義矣惠亦謂地爲地祇不謂迎土氣
○旣盡也臧慶皆善也擊鼓擊土鼓也御迎也周禮疏
引傳田祖先嗇者也有者字春官籥章凡國祈年于田
祖吹竽雅擊土鼓以樂田畯鄭注云田祖始耕田者謂
神農也郊特牲蜡之祭也主先嗇而祭司嗇也注云先
嗇若神農者鄭以田祖先嗇爲神農矣地官大司徒設
其社稷之壇而樹之田主注社稷后土及田正之神田
主田神后土田正之所依也詩人謂之田祖鄭又以田
祖爲社稷之神案傳意以祈年之田祖卽蜡祭之先嗇
祈蜡一神非謂祈蜡爲一祭先嗇者始先稼穡之人則
不爲社稷之神可知穀訓善王肅云大得我黍稷以
善我男女言倉庫實而知禮節也此乃祈年之辭

曾孫來止以其婦子饁彼南畝田峻至喜壤其左右嘗

其旨否禾易長畝終善且有傳易治也長畝竟畝也曾

孫不怒農夫克敏傳敏疾也疏曾孫成王也以猶為也

穰與懷同左右猶東而謂田畔也嘗其旨否言各嘗其

饋之美與不也○易有蕩平之義故傳詰易為治治者

謂除草雖本也生民傳方極畝也竟畝與極畝同義終

猶既也有讀歲其有之有敏疾文王生民江漢同齊語

盡其四支之敏以從事於田野章注云敏猶材也曾孫

不怒農夫克敏言農夫能疾除其田則曾孫不怒也不

怒者不待越其耕耨曾孫之稼如茨如梁曾孫之庾如坻如京傳茨積也梁

車梁也京高丘也乃求千斯倉乃求萬斯箱黍稷稻粱

農夫之慶報以介福萬壽無疆疏箋云稼禾也謂有稟

者也小箋云說又積

積禾也毛謂此芡卽積之假借也芡本訓屋以艸蓋故
知此訓積爲假借說文引詩積之栗栗作積之秩秩是
積積可通用矣何以言如也此與淇奧如積同義梁車
梁卽輿梁正義云孟子十二月車梁成梁謂水上橫橋
橫有廣狹得容車渡則高廣者也故以比禾積楚芡傳
云露積曰庚蒹葭傳坻小渚也如坻者取蕃聚之義也
京高丘定之方中同如京者以高積爲喻管子新成困
京急就篇門戶井竈廡困京說文圖謂之困方謂之京
廣雅京倉也或三家詩有以京爲倉名故解者悉本之
與○大東傳箱大車之箱也箋云萬車以載之是也唐
風言載黍稷蓺稻粱聘禮黍粱稻皆二行稷四行內則
飯黍稷稻粱白黍黃粱食醫六穀牛宜稌羊宜黍豕宜
稷犬宜粱稌卽稻也此四穀之見於經者稷不可以冒
粱猶黍不可以亂稻也稻粱貴故禮爲加饌黍稷二者
又以黍爲貴鄭注
禮云黍者倉之主

大田四章二章章八句二章章九句

大田刺幽王也言矜寡不能自存焉

疏

詩亦思古之辭

大田多稼既種既戒既備乃事以我覃耜俶載南畝播

厥百穀既庭且碩傳覃利也庭直也曾孫是若疏箋云

謂地肥美可墾耕多為稼可以授民者也將稼者必先相地之宜而擇其種季冬命民出五種計耦耕事脩耒耜具田器此之謂戒是既備矣至孟春土長冒櫛陳根可拔而事之○覃讀為剡此假借也淮南子汜論篇古者剡耜而耕文選東京賦介馭載以剡耜爾雅剡利也郭注引詩作剡耜本三家詩俶載始事也俶載南畝播厥百穀七月篇所云其始播百穀也箋俶讀為熾載讀為蓄粟之蓄田一歲曰蓄載芟良耜箋說同案箋非也子小一歲休耕之田不得播穀庭直爾雅釋詁文韓奕閔止力役以順民事不奪其時

既方既皂既堅既好不稂不莠傳實未堅者曰皂稂童

梁也莠似苗也去其螟螣及其蟊賊無害我田穰傳食

心曰螟食葉曰螻食根曰蠹食節曰賊田祖有神秉畀

炎火傳炎火盛陽也疏方極畝也阜即草斗下文言既

早聲之義也矣稂重梁下泉同稂亦莠之類已成謂之

莠不成謂之稂亦謂之重梁其艸皆中牛馬芻國語馬

餓不過稂莠是也魏策幽莠之幼也似禾幽莠謂莠也

傳云莠似苗也者莠秀挺出直上非若禾秀之下俎其

始生時莠與禾苗莫能分辨故孔子有惡莠亂苗之喻

淮南子說山篇農夫不察苗莠而并耘之皆謂其似苗

也○爾雅釋蟲食苗心螟食葉螻食節賊食根蠹此傳

所本也說文螟蟲食穀葉者更冥冥犯法即生螟葉當

作心正義引義疏云螟似子方而頭不赤子方齊民要

術作好妨說文螻蟲食苗葉者更氣貴則生螻从虫貴

賁亦聲引詩曰去其螟螻螻本字螻為假借字義疏云

螻也高注呂覽云今兗州謂蝗為螻說文蠹蟲食艸

根者更抵冒取民財則生或作贅古文作蟀艸當作苗

義疏云賊似桃李中蠹蟲赤頭身長而細耳漢書五行

志京房易傳臣安祿茲謂貪厥災蟲蟲食根德無常茲

謂煩蟲會葉不絀無德蟲會本與東作爭茲謂不時蟲
 會節蔽惡生孽蟲會心說文正從易傳為說韓詩穉幼
 稼也說文穉幼禾也禾稼一也幼讀如養幼少之幼閼
 宮傳謂穉為後種凡後種者必小於早種也今字作稚
 ○上篇傳云田祖先嗇者也釋文引韓詩卜界炎火云
 卜報也韓詩秉作卜而詁為報禮記注報讀為赴疾之
 赴此報字亦當讀為赴毛韓字異而意同干旄傳界予
 也傳云炎火盛陽也者箋螟螣之屬盛陽氣贏則生之
 今明君為政田祖之神不受此害持之付與炎火使自
 消亡正義云陽而稱火者以南方為火炎為甚之故云
 盛陽又云螟螣之屬得陽而生故陽盛而為害月令仲
 夏行春令百蟊時起是陽行而生陽盛則蟲起消之則
 付於所生之本

有渰萋萋興雨祁祁雨我公田遂及我私傳渰雲興貌

萋萋雲行貌祁祁徐也彼有不穫穉此有不斂穧彼有

遺秉此有滯穗傳秉把也伊寡婦之利疏傳文渰雲興
 兒釋文正義

同定本集注作淪陰雲兒家訓書證篇引毛傳云淪陰
雲也釋文淪本又作侖竝同妻妻呂覽漢書作曉漢書會貨志
作曉六帖二作揜竝同妻妻呂覽漢書後漢書左雄傳
韓詩外傳說文玉篇廣韻皆作淪淪今釋文正義作妻
妻恐係後人改也釋文云興雨或本作興雨家訓云淪已是
云經興雨或作興雲誤也定本作興雨家訓云淪已是
陰雲何勞復云興雲祁祁邪雲當爲雨俗寫誤爾然則
釋文正義皆從家訓之說以興雨爲是而呂覽漢書韓
詩外傳皆作興雲可知古本作興雲也小箋云說文淪
雨雲起也淪雨雲兒雨雲謂欲雨之雲凡大雨之來黑
雲起而風生風生而雲行所謂有淪淪淪也已而風定
白雲彌天雨隨之下所謂興雲祁祁雨公及私也作興
雨於物理經訓皆失之祁祁宋本作祈祈誤正義云祁
祁徐兒也釋文作徐也當兒之誤家訓引毛傳作祁祁
徐兒也當衍字○孟子滕文公篇引詩云雨我公田
遂及我私惟助爲有公田由此觀之雖周亦助也使畢
戰問井地孟子曰方里而井井九百畝其中爲公田八
家皆私百畝同養公田公事畢然後敢治私事所以別
野人也戰國時周家井田之法已壞孟子乃據大田詩

言公田而略陳其概如此也宣十五年穀梁傳古者三百步爲里名曰井田井田者九百畝公田居一私田稼不善則非吏公田稼不善則非民古者公田爲居井竈蔥非盡取焉此皆井田有公田之說也周禮小司徒乃經土地而井牧其田野九夫爲井四井爲邑四邑爲邱四邱爲甸四甸爲縣四縣爲都鄭注云此謂造都鄙也采地制井田異於鄉遂重立國此制小司徒經之匠人爲之溝洫相包乃成耳匠人爲溝洫九夫爲井方十里爲成方百里爲同注云此畿內采地之制九夫爲井井者方一里九夫所治之田也采地制井田異於鄉遂及公邑又云以載師職及司馬灋論之周制畿內用夏之貢灋稅夫無公田以詩春秋論語孟子論之周制邦國用殷之助灋制公田不稅夫貢者自治其所受田貢其稅穀助者偕民之力以治公田又使收斂焉畿內用貢灋者鄉遂及公邑之吏旦夕從民事爲其促之以公使不得恤其私邦國用助灋者諸侯專一國之政爲其貪暴稅民無藝周之畿內稅有輕重諸侯謂之徹者通其率以什一爲正孟子云野九夫而稅一國中什一是一邦國亦異外內之灋耳金榜禮箋云小司徒九夫爲井之法遂人有十夫有溝之法地之險夷異形廣狹異數因

地勢而制其宜凡不可井者濟以遂人法而地無曠土
孟子請野九一而助國中什一使自賦國中城郭宮室
差多涂巷又廣於遂人法爲宜是小司徒實與遂人聯
事通職不以鄉遂都鄙異制審矣與竊謂書缺有聞各
存一說以俟參攷焉可也至邦國行井田也○秉祀雙聲同義
經傳顯有明證噫嘻傳云私民田也○秉祀雙聲同義
不穫穰未刈者也不斂穧刈而未斂者也遺秉謂連稟
者滯穗謂去稟者伊寡婦之利外舅無錫顧氏廷杏云
山東省農家於刈穫時必畱畝一角
令貧戶取之以爲利猶古遺風與

曾孫來止以其婦子饁彼南畝田畯至喜來方禋祀以
其騂黑傳騂牛也黑羊豕也與其黍稷以享以祀以介

景福

疏

來方猶上篇云以方來古族字語詞也上篇傳

云方迎四方氣於郊也迎四方氣於郊者祀五
天帝及五人神周禮大司寇小司寇禋祀五帝大祝注
云禋祀祭天神也以其騂黑與其黍稷以享以祀猶上
篇云以我齊明與我犧羊以社也上篇傳云社后土也
傳以騂黑爲牛羊豕正指社祭召誥乃社于新邑牛一

羊一豕一此其義也案此詩駢黑與周禮牧人駢牲黝
 牲不同牧人凡陽祀用駢牲陰祀用黝牲駢牲色赤黝
 牲色黑非謂駢為牛而黝為羊豕也鄭謂陽祀祭天及
 宗廟陰祀祭地及社稷箋詩遂引周禮為說意以四方
 迎氣用牛社用羊分配經傳駢牛黑羊豕不知天子社
 稷皆大牢非特用羊也四方迎氣用牛與上篇箋秋祭
 四方不指迎氣又不合祭社當有句龍配會祭法瘞埋
 于泰折祭地也用駢犢是駢以祀社羊豕祀配會之人
 歟召誥用牲于郊牛二祀天一牛配天之人
 一牛祭地用牛其祭地配會之人卑用羊豕

瞻彼洛矣三章章六句

瞻彼洛矣刺幽王也思古明王能爵命諸侯賞善罰惡

焉疏

爵命諸侯若宣王之爵命尹吉甫北伐方叔南征
 召虎程伯休父伐淮夷賞善罰惡二伯述職也

瞻彼洛矣維水泱泱

傳

興也洛宗周漑浸水也泱泱

廣貌君子至止福祿如茨韎韐有奭以作六師

傳

韎韐

者茅蒐染草也一入曰黼黻所以代韞也天子六軍疏

周禮職方氏正西曰雍州其川渭洛鄭注云洛出懷德
漢書地理志北地郡歸德洛水出北蠻夷中入河左馮
翊襄德禹貢洛水東南入渭雍州箋顏注云襄亦懷字
漢懷德縣卽今陝西同州府朝邑縣地爲洛入渭之處
漢志云入河誤王念孫以爲二字衍文也漢志議洛水
入渭之縣而於洛出之源但云出北蠻夷中者略也淮
南子墜形篇洛出獵山高注獵山在北地西北夷中洛
東南流入渭西山經白於之山洛水出于其陽而東流
至于渭元和郡縣志白於山一名女郎山在北蠻夷中矣漢
三十里白於山獵山在漢北地郡所謂北蠻夷中矣漢
歸德縣卽今甘肅慶陽府安化合水二縣地爲洛出源
之處雍州之洛與豫州之雒其字分別自古不紊今以
豫州爲南洛水而以雍州爲北洛水非古也洛水在鎬
京之北而在岐周之西其川南流入渭以入河要皆在
宗周畿內故傳以爲洛宗周漑浸水也鄭注職方氏云
浸可以爲陂灌漑者說文決滂也周禮酒正注盞猶翁
也決盞聲相近傳云淡廣兒者考工記匠人爲溝洫廣
尺淡尺謂之畎廣二尺淡二尺謂之隧廣四尺淡四尺

謂之溝廣八尺淡八尺謂之沍廣二尋淡二仞謂之澮
案都鄙用井田溝沍卽爲井田之制軍賦實起於此故
詩人以洛水之盛興出軍之衆傳卽本匠人溝沍之淡
廣言之○君子席諸侯也如與而通甫田傳云茨積也
如茨而積也淇奧如簣而積也文義正相同傳文秣下
韜字衍草當作韜一下入字依定本補王引之詩述聞
云毛傳原文本作秣染韜也今本秣下有者茅蒐三字
此涉鄭箋秣者茅蒐染而誤衍也蓋毛以染韜一入之
色爲秣而不以茅蒐爲秣故曰秣染韜也一入曰秣鄭
以秣爲茅蒐之合聲則以茅蒐爲秣而不以一入爲秣
故曰秣者茅蒐染也茅蒐秣聲也若毛以茅蒐爲秣則
與一入曰秣之文自相違異且毛旣云秣者茅蒐染韜
鄭不須更云秣者茅蒐染矣孔陸所見已是誤本故不
言鄭與毛異耳晉語秣韜章之跗注韜注曰三君云一染
曰秣鄭後司農說以爲秣茅蒐染也云鄭以爲茅蒐染
則毛不以爲茅蒐染明矣三君皆從毛義故但言一染
曰秣而不言茅蒐也說文秣茅蒐染韜也一入口秣茅
蒐二字亦後人依誤本毛傳加之也賈景伯注成十六
年左傳及晉語竝云一染曰秣叔重之學出於景伯故
云秣染韜也一入曰秣且賈許皆治毛詩故以一入爲

𡗗至康成始以茅蒐爲𡗗不得於說文注中增入茅蒐
二字且茅蒐爲𡗗與一入爲𡗗二者各爲一義不可強
同也案王說是也𡗗從韋故知爲韋𡗗韋之色故知爲
染韋一入曰𡗗傳又申說染韋之義也玉藻注緇赤黃
之閒色所謂𡗗也爾雅一染謂之緇士冠禮注凡染絳
一入謂之緇緇與緇古聲同𡗗卽緇也說文𡗗字从末
聲不从未聲傳既釋經𡗗之義又釋經𡗗之義凡士朝
服皮弁服玄端服稱緇𡗗色之緇稱𡗗故云𡗗所以代
緇也士冠禮爵弁服緇裳純衣緇帶𡗗𡗗又受爵弁加
之服緇裳𡗗𡗗士喪禮爵弁服純衣緇帶𡗗𡗗注𡗗𡗗
緇𡗗也𡗗之制似緇說文市部士無市有𡗗制如𡗗缺
四角爵弁服其色𡗗賤不得與裳同从市合聲或从韋
作𡗗鄭箋亦云𡗗祭服之緇合韋爲之其服爵弁服紃
衣緇裳也許鄭皆以𡗗𡗗爲爵弁服本禮經爲訓春官
司服凡兵事韋弁服鄭注云韋弁以𡗗韋爲弁又以爲
衣裳春秋傳曰晉郤至衣𡗗韋之附注是也奐謂𡗗韋
卽𡗗𡗗郤至爲晉下卿衣𡗗韋以爲兵事之服天子作
師主將朱芾其餘軍士𡗗𡗗詩所謂𡗗𡗗有奐以作六
師也是𡗗𡗗又爲韋弁服矣有奐言𡗗有奐色所謂𡗗
也采芑傳云奐赤兒白虎通義爵篇韓詩內傳曰諸侯

世子三年喪畢上受爵命於天子其下又言世子上受爵命衣士服引詩曰韎韐有珌通典禮五十三引內傳同此韓詩義鄭箋正用其說絕與爽同○周禮夏官凡制軍萬有二千五百人為軍王六軍襄十四年左傳周為六軍又襄十一年穀梁傳古者天子六師是六師即六軍也械機傳及常武箋竝同地官小司徒乃會萬民之卒伍而用之五人為伍五伍為兩四兩為卒五卒為旅五旅為師五師為軍以起軍旅案此周之軍法乃統四郊都鄙萬民卒伍用之六軍不盡出於六鄉遂人注云遂之軍法追胥起徒役如六鄉是六遂有軍也縣師若將有軍旅會同田役之戒則受灋于司馬以作其眾庶及馬牛車輦會其車人之卒伍稍人掌令邱乘之政令若有會同師出行役之事則以縣師之灋作其同徒輦輦帥而以至是稍縣鄙皆有軍也采地制井田小都卿之采地大都公之采地公卿采地之外皆有公邑鄉遂無井田出師人數亦可充卒而軍半出於都鄙出車篇云我出我車于彼牧矣自天子所謂我來矣此之謂也軍制詳采芑篇

瞻彼洛矣維水泱泱君子至止韓琇有珌傳韓容刀韓

也琫上飾琕下飾也天子玉琫而琕琕諸侯璆琫而璆

琕大夫鐐琫而璆琕士琕琫而琕琕君子萬年保其家

室疏說文鞞刀室也削鞞也方言劒削自河而北燕趙

而西謂之鞞鞞與鞞同此傳云容刀鞞容刀見公劉篇

彼傳云容刀言有武事也蓋有武事則佩之矣說文琫

佩刀上飾也琕佩刀下飾也許說正用毛訓段注云鞞

之言鞞也刀室所以鞞護刀者漢人曰削俗作鞞琕之

言奉也奉俗作捧刀本曰環人所捧握也其飾曰琕琕

之言畢也刀室之末其飾曰琕古文作琕傳云鞞容刀

鞞也謂刀削其云琕上飾琕下飾者上下自全刀言之

琕在鞞上鞞在琕下琕在鞞末公劉詩不言琕故云下

日鞞舉鞞以該琕鞞琕有琕言鞞琕而又加琕也王莽

傳琕琕琕琕孟康曰佩刀之飾上曰琕下曰琕若劉熙

釋名曰室口之飾曰琕琕捧也捧束口也下末之飾曰

琕琕卑也下末之言也琕即鞞之譌劉意自一鞞言之

故雖襲毛上曰琕下曰鞞之云而大非毛意至杜預本

許云佩刀上飾用毛說謂一刀之上非一削之上也凡
刀劍以手所執爲上刀謂之穎亦曰環書刀謂之拊劍
謂之鐔案傳文諸侯璆璔釋文及定本集注作璆璔正
義本作璆璔大夫璆璔定本集注作璆璔正義云大夫
璆璔皆用鐔飾是正義本作璆璔也說文璆璔下云天子
以玉諸侯以金璆璔下云天子以玉璆璔屨甲也所以飾物
也禮佩刀天子玉璆璔而璆璔璆璔屬禮佩刀士璆璔而璆璔
佩刀諸侯璆璔而璆璔璆璔璆璔屬禮佩刀士璆璔而璆璔
後箋云此傳所言雖不著所出然說文於璆璔璆璔下皆
引禮云云則毛亦必據禮逸篇之文不應互異如此說
文璆璔下云天子以玉者因璆璔有玉璆璔之稱以玉猶言以
璆璔然玉璆璔璆璔上下究有不同若諸侯璆璔璆璔同以金爲之此所
謂之璆璔其美者謂之璆璔是諸侯璆璔璆璔同以金爲之此所
以別於天子也王莽傳璆璔璆璔璆璔璆璔璆璔璆璔璆璔璆璔
用金之證大夫則皆以鐔爲之士皆以璆璔爲之說文諸
侯璆璔士璆璔璆璔璆璔璆璔璆璔璆璔璆璔璆璔璆璔璆璔
大夫璆璔皆非也與謂定本集注作大夫璆璔璆璔亦金
也此固不誤小箋亦云璆璔璆璔天子皆以玉諸侯皆以金
大夫皆以銀士皆以璆爲
有條理與說文注不同

瞻彼洛矣維水泱泱君子至止福祿既同君子萬年保其家邦

裳裳者華四章章六句

裳裳者華刺幽王也古之仕者世祿小人在位則讒諂

竝進棄賢者之類絕功臣之世焉

[疏]此亦思古之詞

裳裳者華其葉湑兮[傳]興也裳裳猶堂堂也湑盛貌我

觀之子我心寫兮我心寫兮是以有譽處兮

[疏]傳以裳裳爲堂

堂之假借說文門部云闔闔盛兒與堂堂同廣雅云常常盛也裳常一字毛與三家詩同意也於華言裳裳於葉言湑皆有盛義傳云湑盛兒湑猶湑湑也興者以華葉之盛喻賢者功臣其世澤之茂盛亦如華葉之裳裳湑湑然首章言華又言葉下章不言葉略也○之子庶世祿者也三章傳以之子棄賂爲世祿此其義矣蓼蕭

我心寫兮傳云
翰寫其心也

裳裳者華芸其黃矣傳芸黃盛也我觀之子維其有章

矣維其有章矣是以有慶矣疏芸讀如紛紜之紜老子

是芸有盛義詩言華
之黃故傳云黃盛也

裳裳者華或黃或白我觀之子棄其四駱棄其四駱六

轡沃若傳言世祿也疏或有也或黃或白有黃又有白

白馬黑鬣曰駱四駱六轡是世祿之所棄故傳即依
序言古之仕者世祿作釋也世祿亦世位詳文王篇

左之左之君子宜之右之右之君子有之傳左陽道朝

祀之事右陰道嚳戎之事維其有之是以似之傳似嗣

也疏傳釋左為陽道右為陰道又申明陽道為朝祀之
事陰道為嚳戎之事當有成文無攷成十三年左

傳云國之大事在祀與戎荀子大略篇云吉事尚尊喪
事尚親逸周書武順篇吉禮左還順天以利本武禮右
還順地以利兵老子亦云吉事尚左凶事尚右竝與傳
訓略同說苑脩文篇詩曰左之左之君子宜之右之右
之君子有之傳曰君子者無所不宜也是故韞冕屬戒
立于廟堂之上有司執事無不敬者斬衰裳苴絰杖立
于喪次賓客弔唁無不哀者被甲纓冑立于桴鼓之間
士卒莫不勇者故仁足以懷百姓勇足以安危國信足
以結諸侯強足以拒患難威足以率三軍故曰爲左亦
宜爲右亦宜爲君子無不宜者此之謂也劉子政所引
傳或出魯詩傳其釋詩言君子朝祀喪戎無不得宜與
毛詩義正合蓋有者有此宜也故詩下文但接有之句
而言○傳讀似爲嗣者言古君子有是美德是以嗣爲
世官也襄三年左傳祁奚請老晉侯問嗣焉祁奚卽舉
子午羊舌職歾又舉職之子赤晉侯於是使祁午爲中
軍尉羊舌赤佐之君子謂祁奚能舉善唯善故能舉其
類詩云惟其有之是以似之案此上文言問嗣其下卽
引此詩則詩之似正訓作嗣以美祁奚能舉善嗣其官
職卽是不廢世祿之類毛
傳實本左傳以立訓也

桑扈四章章四句

桑扈刺幽王也君臣上下動無禮文焉

疏

詩亦陳古君臣之詞

交交桑扈有鶯其羽傳興也鶯然有文章君子樂胥受

天之祜傳胥皆也

疏

小宛交交桑扈傳云交交小兒桑扈竊脂也桑扈小鳥交交為小鳥

兒也扈當作屬今通作扈鶯然有文章者總釋經之兩鶯字以明取興之義言桑扈之羽翼首領皆有文采可觀以喻臣下舉動有禮文合下章而釋之也有鶯其羽鶯然其羽也有鶯其領鶯然其領也鶯者是形容羽領之美稱說文鶯鳥也段注云今說文必淺人所改鶯非即鶯字○君子謂王者也與鶯鶯君子同胥訓相又訓皆皆者皆臣下也祜福也新書禮篇云詩曰君子樂胥受天之祜胥相也祜大福也夫憂民之憂者民必憂其憂樂民之樂者民亦樂其樂與士民若此者受天之福矣案此釋詩樂胥與士民樂本三家詩義箋云王者樂臣下有才知文章鄭讀胥為謂義異其解君子為王者樂胥為樂臣下則與毛義當同也

交交桑扈有鶯其領傳領頸也君子樂胥萬邦之屏傳

屏蔽也

疏

玉篇頁部引詩傳云領頸也文選潘岳射雉賦鶯綺翼而翹翅灼繡頸而袞背鶯綺翼即

鶯羽灼繡頸即鶯領此正用詩義徐爰注云鶯文章貌今本文選誤作鶯字○屏蔽雙聲玉藻云諸侯之於天子其在邊邑曰某屏之臣某屏亦蔽也

之屏之翰百辟爲憲傳翰幹憲法也不戢不難受福不

邦傳戢聚也不戢戢也不難難也邦多也不多多也疏

之屏承上章言之猶是也之屏之翰言是屏是翰也翰幹爾雅釋詁文文王有聲版嵩高竝同翰讀與幹同此謂假借也成十三年左傳孟獻子曰禮身之幹也襄三
十年傳鄭子皮曰禮國之幹也是其義辟君也百辟謂
外諸侯也百辟爲憲與六月萬邦爲憲句義正同故傳
竝訓憲爲法也假樂之百辟卿士百辟與卿士對文非
以百辟即卿士也烝民烈文百辟皆指外諸侯○戢聚
釋詁文時邁同聚猶斂也言聚斂其志意不戢不難不

邢三不字傳皆以為語詞難古難字周禮占夢遂令始
難毆疫故書難或為難隰桑阿難隰有甚楚作猗難家
訓書證篇引毛傳不難難也然則顏所據經傳正作難
矣竹竿傳云難行有節度也行有節度謂之難則難有
動必以禮不敢縱弛之意執競反反難也載芟濟濟難
也難皆難字邢多釋詁文邢同說文齊謂多為縲方言
大物盛多齊朱之郊楚魏之際曰夥史記陳勝世家楚
人謂多為夥邢與夥同說文夥从鬼難省聲讀若詩受
福不難難當作邢難聲讀若邢疑涉上
句不戢不難而誤不多多也卷阿同

兕觥其觶旨酒思柔彼交匪敖萬福來求

疏

或作斛說文斛角兒引詩有斛其角今良耜作採為六
書假借字而絲衣泮水之觶釋文皆作斛字當不誤也
思柔與其斛對文則其與思皆為語詞絲衣篇同○成
十四年左傳衛侯饗苦成叔甯惠子相苦成叔傲甯子
曰苦成家其以乎古之為享會也以觀威儀省禍福也
故詩曰兕觥其觶旨酒思柔彼交匪敖萬福來求今夫
子傲取禍之道也又襄二十七年傳鄭伯享趙孟于坐
隰公孫段賦桑扈趙孟曰匪交匪敖福將焉往若保是

言也欲辭福祿得乎案不交敖爲求福之道左兩釋詩
同意與毛詩序傳合成十四年引詩彼交匪傲與今本
詩同而漢書五行志作匪傲匪傲應劭注云言在位不
傲許不倨傲也臧琳經義疏記謂論語惡微以爲知者
微鄭本作絞微絞古通毛詩作交絞之省假故漢書作
微漢志所載左傳爲古文今本出之杜氏未足漢信趙
孟引詩作匪不作彼與漢書正同尤爲明證漢志匪微
當從應仲援說爲不微許師古改爲微幸非是後箋云
臧說是也匪彼二字古雖通用此詩義當作匪絲衣兕
觥其觶旨酒思柔不吳不敖胡考之休與此詩四句文
義相同此匪交匪敖當與彼不吳不敖一例耳

鴛鴦四章章四句

鴛鴦刺幽王也思古明王交於萬物有道自奉養有節
焉

鴛鴦于飛畢之羅之傳興也鴛鴦匹鳥大平之時交於

福祿宜之疏

蘇之式典奉養有節○箋云君子謂明王也

鴛鴦在梁戢其左翼

傳言休息也君子萬年安其遐福

疏

桑扈傳戢聚也休息者聚之意釋文引韓詩云戢捷也捷其喙於左也捷今之插字箋斂其左翼以右翼

疏桑扈傳戢聚也休息者聚之意釋文引韓詩云戢捷也捷其喙於左也捷今之插字箋敝其左翼以右翼掩之白華鴛鴦在梁戢其左翼箋戢敝也敝左翼者謂右掩左也鳥之雌雄不可別者以翼右掩左雌左掩右

雌案此爾雅釋鳥文也鴛鴦匹鳥雌雄相休息戢左翼者言雄以咳雌也上章于飛則畢羅之此章在梁則休息之所謂交於萬物有遺也論語云弋不射宿

乘馬在廐摧之秣之傳摧莖也秣粟也君子萬年福祿

艾之傳艾養也疏傳文摧莖釋文本作摧芻引韓詩云

之假借字韓詩作莖訓委委即萎字說文莖斬芻毛韓字異而義同箋云摧今莖字也鄭用韓說後人依鄭箋

改毛傳當依釋文本作摧芻為正眾經音義卷十三十

五引傳作芻說文繫傳引詩作芻之秣之傳文秣栗釋

文本作秣穀馬也亦當依釋文文本為正漢廣言秣其馬

傳秣養也又雲漢傳歲凶年穀不登則趣馬不秣王制

作馬不會穀凡言秣者皆謂以穀食馬不謂秣為粟矣

箋云無事則委之以莖有事乃予之穀鄭所據亦作穀

馬秣或作餼說文餼食馬穀也許正用毛傳摧秣即芻

秣周禮大宰以九式均節財用七日芻秣之式鄭注云

芻秣養牛馬禾穀也案周公制禮以養馬芻秣之事定

為國家均節財用之式與詩言養馬之得其時制興王

者自奉養有節其義正
同○艾養南山有臺同

藥馬在殿秣之摧之君子萬年福祿綏之

綏安也上言艾此言

綏艾綏猶南山有臺之艾保也

頍弁三章章十二句

頍弁諸公刺幽王也暴戾無親不能宴樂同姓親睦九

族孤危將亡故作是詩也

疏諸公同姓之臣宴釋文作燕

有頍者弁實維伊何

傳興也頍弁貌弁皮弁也爾酒既

旨爾殽既嘉豈伊異人兄弟匪他萑與女蘿施于松柏

傳萑寄生也女蘿菟絲松蘿也喻諸公非自有尊託王

之尊未見君子憂心奕奕

傳奕奕然無所薄也既見君

子庶幾說懌疏

頰者非形容皮弁之兒乃形容其戴弁

子雖所據傳作頰戴弁兒四字今本奪戴字釋文云著

弁兒著弁猶言戴弁說文頰舉頭也也玉篇作兒舉頭

與戴弁義同士冠禮注缺讀如有頰者弁之頰鄭本三

家義天子視朝用皮弁詩言燕而傳云弁皮弁也者是

天子燕用皮弁矣實當作寔寔是也維猶爲也是爲伊

何者以言乎在首也一章伊何二章何期三章在首實

一意也正義云昭九年左傳王使詹桓伯辭於晉曰我

在伯父猶衣服之有冠冕信八年穀梁傳曰弁冕雖舊

必加於首周室雖衰必先諸侯然則王者之在上位猶

皮弁之在人首故以爲喻也○旨酒嘉穀以設燕也兄

弟匪他言燕兄弟非有異人也爾雅釋草無莠傳云寄

生說文莠寄生也或作楊許本毛訓釋木寓木宛童解

者皆卽以爲詩之莠蓋寄與寓同義也釋草唐蒙女蘿

女蘿菟絲今案桑中傳唐蒙菜名不謂女蘿此傳云女

蘿菟絲本爾雅文疑毛所見爾雅與今本或異傳又云

松蘿是女蘿菟絲松蘿一物三名矣菟通作兔淮南子

說山云下有伏苓上有兔絲說林云伏苓掘兔絲歟又

云兔絲無根而生呂覽精通云人或謂兔絲無根兔絲

非無根也其根不屬也伏苓是菟絲卽女蘿而菟絲又
卽松蘿傳與舊說悉合正義引義疏云今菟絲蔓連草
上非松蘿松蘿自蔓松上與菟絲殊異釋文亦云在草
曰女蘿在木曰松蘿然詩明言女蘿施於松木不得據
今驗易古說明矣喻諸公非自有尊託王之尊者箋云
託王之尊者王明則榮王衰則微刺王不親九族孤特
自恃不知己之將危也○爾雅釋訓奕奕憂也此依
詩憂心爲訓傳云奕奕然無所薄也者亦是形容憂心
之狀楚策楚威王曰寡人心搖搖如縣旌而無所終薄
奕奕搖搖語轉而義同惓本作釋靜女箋說惓作說釋
與此同案旣見指宴樂同姓未見卽序不能宴樂之意
旣與終同義此因未見而終思相見親戚之臣心不能
已也箋云君子席幽王也幽王久不與諸公宴諸公未
得見幽王之時懼其將危已無所依怙故憂而心奕
奕然故言我若已得見幽王諫
正之則庶幾其變改意解釋也

有頍者弁實維何期爾酒旣旨爾殽旣時傳時善也豈
伊異人兄弟具來芻與女蘿施于松上未見君子憂心

怲怲傳怲怲憂盛滿也既見君子庶幾有臧傳臧善也

疏釋文期本亦作其何其何也其語詞箋云何期猶伊何也期辭也辭當作詞○時之言是也故時有善義

爾般既時猶上章云爾般既嘉耳嘉亦善也廣雅時善也本傳訓爾雅怲怲憂也說文怲怲憂也詩曰憂心怲怲

此亦依詩憂心為訓傳云憂盛滿也者怲滿雙聲奕薄

疊韻蓋依疊韻雙聲言也臧訓善讀善兄弟為友之善

有類者弁實維在首爾酒既旨爾般既阜豈伊異人兄

弟甥舅如彼雨雪先集維霰傳霰暴雪也外甥無曰無

幾相見樂酒今夕君子維宴疏阜盛也兄弟謂諸公也

男者禮記文王世子篇云公若與族燕則異姓為賓○

霰暴雪釋文霰消雪也疑陸元服所據傳作霰雪霰暴

形易譌今作消雪後人或以爾雅亦作本改之也爾雅

雨寬為霰雪霰本亦作消說文雨霰為霰齊語也霰稷

雪也或作霰霰傳作積雪文選謝惠連雪賦注御覽天

曰虞訓家多不同大戴禮曾子天圓篇云陽之專氣爲
霽釋名云霽星也水雪相搏如星而散也箋云將大雨
雪始必微溫雪自上下遇溫氣而搏謂之霽久而寒勝
則大雪矣喻幽王之不下親九族亦有漸自微至甚如先
霽後大雪○歾噤無日無幾相見無不也言不日歾噤
相見無幾也王逸注楚辭大招引詩作樂酒今管云管
夜也古夕管通用今管卽今夕唯同姓有夜飲禮也維
猶是也樂酒今夕君子維宴言王能宴樂飲酒當自今
日始此乃觀幸之詞案上二句猶云未見君子憂心奕
奕未見君子憂心怲怲也下二句猶云既見君子庶幾
說釋既見君子庶幾有厭也詩三章皆欲王之宴樂
親睦同姓以刺今之不能則孤危將亡其兆既存矣

車牽五章章六句

車牽大夫刺幽王也褒姒嫉妬無道竝進讒巧敗國德
澤不加於民周人思得賢女以配君子故作是詩也
閒關車之牽兮思變季女逝兮傳興也閒關設舉也變

美貌季女謂有齊季女也匪飢匪渴德音來括傳括會

也雖無好友式燕且喜疏詩凡五章皆與前三章就賢女往配君子說後二章就賢

女既配君子說設轡往配亦是陳古以刺今與大東篇興義相同○正義及泉水正義引傳文作閒關設轡兒

見乃也之誤今本作也不誤關讀爲絲說文絲部絲織以絲母杼也從段本作訂以絲貫杼曰絲以轡設車軸閒

曰閒關閒關者言季女棄車設轡之事非形容其設轡也北堂書鈔車部三引韓詩注閒關好兒陳禹謨本刪

去轡韓詩作轡昭二十五年左傳昭子賦車轡墨子魯問篇子之爲轡也不如匠之爲車轡也須臾豎三寸之

木而任五十石之重淮南子繆稱人間篇竝云三寸之轡蓋古轡以木爲之耳思詞也思變季女與思齊大任

思嬀周姜句例相同泉水猗嗟候人傳竝訓變爲好而此訓變爲美美有美德者也云季女謂有齊季女也者

采蘋誰其尸之有齊季女傳尸主齊敬季少也少女微主也古之將嫁女者必先禮之於宗室此季女亦是將

嫁之女與采蘋季女同故傳卽本采蘋以釋之也逝往也謂往嫁之也○君子于役傳佑會也括與佑同義會

者當讀如媒氏令會男女之會會猶作合也德音來括
言季女有此德音是友與我王作合也來語詞文選劉
越石荅盧謐詩陸士衡辨亡論注引韓詩章句括約束
也王伯厚以為此詩章句箋謂使我王更脩德教合會
離散之人或鄭用韓義也友
讀琴瑟友之之友燕安也

依彼平林有集維鵲傳依茂木貌平林林木之在平地

者也鵲雉也辰彼碩女令德來教傳辰時也式燕且譽

好爾無射疏依為茂木依猶依依也采薇韓詩傳云依

木生平地曰林說文云平土有叢木曰林从二木林者

木之多也是木在平地者稱林故此及生民詩皆謂之

平林鄭許與傳訓皆同擊鼓傳又云山木曰林各隨文

釋也鵲雉爾雅釋鳥文中山經女几之山風雨之山其
鳥多白鵲文選西京賦游鵲高聲韓綜注云雉之健者
為鵲尾長六尺鵲尾長故韓詩二矛重鵲以鵲羽為矛
飾說文秦與防鉞用鵲平林之有鵲以喻賢女之在父
母家也○辰訓時時當讀如男女得以及時之時女者

在父母家之稱令德來教言教之以婦道也葛覃傳古者女師教以婦德婦言婦容婦功祖廟未毀教于公宮三月祖廟既毀教于宗室案此卽經教字之義也來語詞射讀爲教葛覃傳教厭也韓奕云慶既令居韓姑燕書文義與此同

雖無旨酒式飲庶幾雖無嘉穀式會庶幾雖無德與女

式歌且舞

疏

德卽承上兩章德音令德兩德字而言與女猶好爾爾女皆席王也式歌且舞猶云

式燕且喜式燕且喜也蓋周人歷世有賢聖之配今幽王寵嬖褒姒立以爲后大臣知其將有傾城滅周之禍故篇中語氣言不必若大姜大任大妣之賢聖第思得德音令德之女以配我君子已有歌舞喜樂之盛猶無旨酒嘉穀亦足以解渴而解飢此淡惡王之黜申后而用褒姒也故詩以雖無德與女作一轉語而序則直謂之賢女耳昭二十六年左傳晏子曰陳氏雖無大德而有施於民豆區釜鍾之數其取之公也薄其施之民也厚公厚教焉陳氏厚施焉民歸之矣詩曰雖無德與女式歌且舞案此斷章取義詩人本以女與褒姒相比晏

子引之以爲公與陳氏相較而用意實同雖無德解作雖無大德則詩義本然也首章云雖無好友亦此義也

陟彼高岡析其柞薪析其柞薪其葉湑兮鮮我觀爾我

心寫兮疏靜女靜女其姝俟我乎城隅傳城隅以言高

蓁蓁至盛兒有色有德形體至盛也此其葉湑兮之義也裳裳者華傳云湑盛兒陟岡析薪以興越國取賢女

漢廣綢繆皆以刈薪束薪喻嫁娶齊南山析薪如之何匪斧不克取妻如之何匪媒不得亦以析薪喻取妻此

其義也柞木名可爲薪采叔云維柞之枝其葉蓬蓬亦謂柞葉之盛素人謂柞爲櫟三蒼說又謂櫟爲柞皆是

方俗通稱柞與櫟或相似爾○草蟲傳觀爾新昏以慰配偶之義鮮我觀爾我心寫兮下章云觀爾新昏以慰

我心猶草蟲篇亦既觀止我心則降亦既觀止我心則說亦既觀止我心則夷也觀皆訓爲遇東門之池可以

晤歌傳晤遇也彼序云思賢女以配君子又與此詩序同

高山仰止景行行止四牡騤騤六轡如琴傳景大也觀

爾新昏以慰我心傳慰安也疏

仰當作叩說文匕部引詩作叩止當作之禮記

表記釋文引詩作之景大小明玄鳥同景行與高山對文上行爲道下行讀女子有行之行高山猶高岡也靜女愛而不見搔首踟躕傳志往而行止此高山叩之景行行之義也漢廣之子于歸言秣其馬之子于歸言秣其駒鶉巢之子于歸百兩御之四牡傳云駢駢行不止此四牡駢駢六轡如琴之義也四牡傳云駢駢行不止之兒如琴言調和也六轡以御四馬喻御眾之有禮法簡兮執轡如組傳御眾有文章言能治眾蓋言有賢德也此末二章皆興君子得賢女以爲配凡興義必與上下相準箋以析薪爲喻除嫉妬之女如琴爲喻羣臣有禮皆上下文意不連屬矣○孫毓王肅據傳作慰怨也釋文從之而以慰安爲馬融義引韓詩作以愠我心云愠恚也是孫王同韓詩也正義從定本作慰安案慰安是也箋云我得見女之新昏如是則以慰除我心之憂也新昏謂季女也鄭亦依慰安爲解蓋此詩曰季女曰碩女曰新昏皆是思望賢女之詞刺褻似意在言外所謂主文譎諫言之者無罪聞之者足以戒若楚茨以下諸詩皆是例矣竊疑傳文本無慰安也三字馬作毛詩

注鄭作毛詩箋皆依豈風縣傳文作慰安解至孫王剝鄭以新昏謂褒姒不謂季女復取韓詩說易安訓怨致失序傳之指

青蠅三章章四句

青蠅大夫刺幽王也

疏

襄十四年左傳云賦青蠅而退

政注劉子以爲魏武公信讒詩案魏當衛之誤三家詩以此合下篇皆衛武公所作何楷說同

營營青蠅止于樊

傳

興也營營往來貌樊藩也豈弟君

子無信讒言

疏

興者青蠅以喻讒人也箋蠅之爲蟲汗

有青蠅汗白之語後漢書楊震傳青蠅點素同茲在藩漢書昌邑王賀夢青蠅之矢積而階東可五六石矢卽汗也此皆本三家詩可以申明毛詩之興義也大玄堅次四小蠶營營蠅其翩翩則曰小蠶營營固其氏也是營營爲往來不絕之見與詩營營同說文又部引詩作營營又言部云營小聲引詩作營營本三家詩樊藩東

方未明同說文云檉藩也从爻林詩曰營營青蠅止于
檉案爻者交也檉从爻林取交積材之義叔重所據詩
作檉今詩作樊者假借字也漢書武五子傳兩引詩作
止于藩史記滑稽傳作蕃蕃與藩同三家詩作藩毛詩
作樊故傳以藩詁樊也○君子席幽王也

營營青蠅止于棘讒人罔極交亂四國疏極中也史記
滑稽傳漢書

武五子傳敘傳注論衡言毒篇新舊唐書顏真卿傳竝作讒言罔極

營營青蠅止于榛傳榛所以爲藩也讒人罔極構我二

人疏棘榛皆爲藩上章不言棘所以爲藩正義謂互相

桷樊圃傳樊藩也藩猶屏也訓同而意異○釋文引韓

詩構亂也亂卽上章交亂箋構合也合猶交亂也用韓

詩也魏源云易林豫云青蠅集藩君子信讒害賢傷忠
患生婦人又觀革云馬蹏躓車婦惡破家青蠅汚白恭
子離居夫幽王聽讒莫大于廢后放子而此曰患生婦
人則明指褒姒矣恭子離居用申生恭世子事明指宣

曰矣故曰讒人罔極構我二人謂王與母后也讒人罔極交亂四國謂戎繒申呂也案魏說本何楷世本古義漢書戾大子之亂壺關三老茂上書咎者虞舜孝之至也而不中於警姒孝已被謗伯奇放流骨肉至親父子相疑何者積毀之所生也其下卽引青蠅之詩與幽王放左曰合楚辭九歎若青蠅之僞質兮晉驪姬之反情又與幽王要姒合皆出於三家有足以補明毛義者也

賓之初筵五章章十四句

賓之初筵衛武公刺時也幽王荒廢嬖近小人飲酒無度天下化之君臣上下沈湎淫液武公旣入而作是詩也

疏 入入相也武公入相在周平王之世是詩爲追刺幽王而作抑三章云顛覆厥德荒湛于酒刺厲王飲酒無度也衛武公刺厲王幽王皆事關王政故抑編諸大雅而此則編諸小雅焉後漢書孔融傳注引韓詩云衛武公飲酒悔過也則專以爲武公所自警矣

賓之初筵左右秩秩籩豆有楚殽核維旅傳秩秩然肅

敬也楚列貌殽豆實也核加籩也旅陳也酒既和旨飲

酒孔偕鍾鼓既設舉醕逸逸傳逸逸往來次序也大侯

既抗弓矢斯張射夫既同獻爾發功發彼有昀以祈爾

爵傳大侯君侯也抗舉也有燕射之禮昀質也祈求也

疏筵席也燕禮司宮筵賓于戶而東上無加席也射人

告具小臣設公席于阼階上而鄉設加席是主席在

東而賓筵在而左右猶東而也後漢書注引韓詩云言

賓客初就筵之時賓主秩秩然俱謹敬也毛韓義同荀

子仲尼篇貴賤長少秩秩焉莫不從桓公而貴敬之與

詩秩秩同楚之言錯也正義據傳文列上有陳字列亦

陳也士冠禮籩豆有楚鄭注亦云楚陳列之貌殽釋文

作肴生民傳豆薦菹醢也菹醢置於豆中故豆實謂之

肴傳因文立義也春秋內外傳並以肴爲俎實傳於豆

言實而於籩言加互詞加籩者廣庶品也箋據籩人加

通無核而饋會之通有核故以核爲通實此鄭義也正
義依箋解傳加通爲加之於通則誤矣核亦作覈班固
典引肴覈仁義蔡邕注肴覈會也肉曰肴骨曰覈詩云
肴覈惟旅蔡所引當是魯詩旅陳爾雅釋詁文說文旅
古文作𠩺以爲魯衛之魯士冠禮注古文旅作𠩺周禮
司儀注旅讀爲鴻臚之臚臚陳之也是旅古讀如魯又
讀同臚也殷武傳同豐年傳云皆徧也偕與皆通○醕
亦作酬燕禮旅酬有樂故云鍾鼓旣設也禮記燕義篇
獻君君舉旅行酬而后獻士士舉旅行酬而后獻大夫
大夫舉旅行酬而后獻庶子案
燕禮於獻士後行射大射則卿舉旅後卽行射燕禮注
云薦旅食乃射者燕射主於飲酒是也逸逸猶繹繹也
楚茨傳東而爲交邪行爲鎔所謂往來次序也侯射侯
也考工記梓人爲侯張獸侯則王以息燕儀禮鄉射記
凡侯天子熊侯白質諸侯麋侯赤質大夫布侯畫以虎
豹士布侯畫以鹿豕几畫者丹質案此皆獸侯也熊麋
皮也天子諸侯側用皮大夫士側中皆用布布用畫獸
其質天子白質諸侯赤質大夫士畫獸則丹質也獸侯
用諸鄉射故特箸於鄉射記而燕射亦用獸侯燕禮云
若射如鄉射之禮是其義也傳釋大侯爲君侯者詩云

幽王則君侯指熊侯天子熊侯白質故傳以昀爲質昀
白同義矣凡侯皆設鵠王以虎熊豹三皮棲鵠謂之皮
侯飾皮棲鵠又張五采謂之五采之侯五采卽五正也
若以皮飾側設鵠設正舉一獸不舉三皮備一正不備
五采則謂之獸侯鄭仲師賈景伯馬季長說皆如是箋
謂大侯大射之侯漢書吾丘壽王傳引此詩亦爲大射
之禮其魯詩說歟但大射皮侯不設正質也梓人祭侯
之辭故抗而射女鄭注云抗舉也張也義與傳同舉酬
之後始行燕射故傳特著之云有燕射之禮所以釋經
既抗之文也楚辭大招三公穆穆登降堂只諸侯畢極
立九卿只昭質既設大侯張只執弓挾矢揖辭讓只文
與詩義同昀釋文作勺勺者昀之假俗禮記射義篇古
者諸侯之射也必先行燕禮又孔子曰射者何以射何
以聽循聲而發發而不失正鵠者其唯賢者乎若夫不
肖之人則彼將安能以中詩云發彼有昀以祈爾爵所
求也求中以辭爵也毛傳與禮記正合燕射用獸侯獸
侯有鵠有正故記以正鵠爲昀傳以昀爲質質者正也
鵠居正外言正以包鵠也猗嗟傳二尺曰正則質當二
尺矣鄭眾馬融及王肅說四寸曰質又韓子外儲說左
上篇難勢篇設五寸之昀小爾雅正中謂之槩方六寸

樂即質也諸說謂質居正內而寸數不同傳渾言正質無別耳傳詰祈為求正用射義文射義注云言射的必欲中之者以求不飲女爵也爾或為有箋云射之禮勝者飲不勝所以養病也故論語曰下而飲其爭也君子

簫舞笙鼓樂既和奏傳秉簫而舞與笙鼓相應丞衍烈

祖以洽百禮百禮既至有壬有林錫爾純嘏子孫其湛

傳壬大林君也嘏大也其湛曰樂各奏爾能賓載手仇

室人入又傳手取也室人主人也主人請射於賓賓許

諾自取其匹而射主人亦入於次又射以耦賓也酌彼

康爵以奏爾時傳酒所以安體也時中者也疏傳云秉

兮之執簫吹簫而舞謂之簫舞云與笙鼓相應者伐木

坎坎鼓我塤塤舞我又有駉振振鷺鷺于下鼓咽咽醉

言舞一手秉簫一手必執羽羽所以舞也鼓所以節舞

也是簫舞與鼓相應矣燕禮公又舉奠解唯公所賜以

旅于西階上如初卒笙入立于縣中記云笙入三成遂
合鄉樂若舞則勺燕於大夫舉旅之後有笙入閒歌之
樂至無算爵無算樂舞亦必有笙相和是簫舞與笙相
應矣周語王子積飲三大夫酒子國爲客樂及徧饗此
卽天子燕飲樂舞之證奏猶作也六月傳奏爲也爲謂
之作故奏亦謂之作王大林君嘏大竝爾雅釋詁文純
嘏古語卷阿載見閭宮皆曰純嘏純亦大也湛樂也案
二章言燕射重敘飲酒之禮首二句冢首章鐘鼓旣設
舉醕逸逸說下丞衍烈祖六句卽承首二句說下燕禮
坐燕時有羞庶羞大夫祭薦之禮至燕舞則歌勺周頌
作酌序酌告成大武也言能酌先祖之道以養天下也
此卽射義所謂先王養諸侯兵不用而諸侯自爲正之
具也燕射歌勺義取諸此此當舞時因而念今日之息
燕實本於先祖告成功烈之所致百禮莫愆威儀無失
於是其有美大其爲人君之道錫爾子孫以大大之福子
孫其有此樂也詩因燕而推本言之故下文仍接燕射
以樂之之事王肅云言燕樂之義得則進樂其先祖是
也箋以衛稱殷禮故祭祀先奏樂自不如毛義之有據
矣○奏獻也能技能也載語詞傳訓手爲取取言擇比
也訓仇爲匹匹猶耦也賓與室人對稱故傳以室人爲

主人主人爲君之黨則君亦主人也首章射夫旣同言
眾耦比射之事二章言從眾耦比射及君與射之事而
以君射爲主傳云主人請射於賓賓許諾自取其匹而
射者釋經賓載手仇句大射儀司射適次請射遂比三
耦司射命上射曰某御於子命下射曰子與某子射卒
遂命三耦取弓矢于次鄭注云次若今時更衣處張幃
席爲之是請射比耦燕禮亦司射爲之司射命於君故
直謂主人請射而賓自此以比耦也云主人亦入于次
又射以耦賓也者釋經室人入又句謂君與賓爲耦也
燕禮記云君與射則爲下射袒朱襦樂作而后就物上
射退于物一筭旣發則答君而俟案下上猶左右也主
向左爲下射賓尙右爲上射故君與射亦爲下射大射
君與賓耦射之儀公將射則賓降通堂面袒決遂執弓
楯三挾一个升自西階先待于物北北一筭東面立注
云不敢與君併東面立鄉君卽燕禮記所謂君射爲下
射上射退于物一筭者也此爲君射耦賓之禮○射義
酒所以養老也所以養病也求中以節爵者辭養也傳
云酒所以安體釋經康字之義正本射義爲訓云時中
者也者時是也中得也勝者爲是則不勝者爲不是矣
獲者爲得則不獲者爲不得矣奏爲也酌康爵以爲女

中者也爲中者飲不中者酌此爵以俟之燕禮記若飲君燕則夾爵鄉射記則云如燕則夾爵鄭注云謂君在不勝之黨也賓飲君如燕賓賸觚于公之禮則夾爵夾爵者君既卒爵復自酌

賓之初筵溫溫其恭其未醉止威儀反反曰既醉止威

儀幡幡舍其坐遷屢舞僊僊傳反反言重慎也幡幡失

威儀也遷徙屢數也僊僊然其未醉止威儀抑抑曰既

醉止威儀怵怵是曰既醉不知其秩傳抑抑慎密也怵

怵媢媢也秩常也疏上二章陳士下三章刺今故重言

與卿燕則大夫爲賓與大夫燕亦大夫爲賓是賓爲大

夫也曰賓者不敢直席王且以刺王所與之大夫皆小

人也○小宛傳溫溫和柔兒反反言重慎正義云自重

而謹慎釋文引韓詩作販販云善兒毛韓字異意同文

王傳濟濟多威儀也多威儀曰濟濟失威儀則曰幡幡

遷訓徙屢俗字釋文本作婁傳訓婁爲數者爲全詩婁

字通訓正月巧言箋皆云婁數也爾雅釋言婁亟也亟亦數也僊僊然上當更有數舞二字蓋僊僊然者數舞兒也數舞僊僊然與南山崔崔然信誓旦旦然句例相同莊子在宥篇鳩蒙曰意毒哉僊僊乎歸矣又說苑指武篇孔子曰辯哉士平僊僊者乎亦謂僊僊爲數疾也燕禮賓及卿大夫皆說屢升就席公以賓及卿大夫皆坐乃安司正升受命皆命君曰無不醉賓及卿大夫皆興對曰諾敢不醉皆反坐案燕有坐燕之禮燕樂有舞春官樂師燕射帥射夫以弓矢舞旄人舞其燕樂皆謂燕舞之事若坐則徒矣舞又數矣是則小人既醉之情態也此總括初筵舉旅至無算爵○抑傳抑抑密也本爾雅此又益其義云慎密也怩怩說文人部引作怩怩心部無怩字玉篇怩慢也慢輕侮也慢與嫗同嫗與蕤同新書道術篇接遇慎容謂之恭反恭爲嫗接遇肅正謂之敬反敬爲嫗秩常釋詁文烈祖同常則也法也不知其常所謂幡幡怩怩也所謂坐徒舞數也

賓既醉止載號載呶亂我籩豆屢舞傲傲是曰既醉不知其鄧側弁之俄屢舞傴僂傳號呶號呼謹呶也傲傲

舞不能自正也。傚傚舞不止也。既醉而出，竝受其福。醉

而不出，是謂伐德。飲酒孔嘉，維其令儀。

疏

碩鼠傳號呼也。二傳訓同。

急別碩鼠之呼為身呼。此號呼為招呼。說文云：招呼，評也。評，召也。又嘑號也。號呼也是號為呼也。嘑字當在謹字

上。轉寫或誤耳。民勞箋：愜愜猶謹謹也。彼箋以謹謹釋

愜愜，與此傳以謹釋嘑同。義說文：嘑，謹聲。詩曰：載號載

嘑。謹連文之證。韓詩云：賓既醉止，載號載嘑。不知其為

兒也。倣與敬聲相近。故云：舞不能自正也。說文：倣，醉舞

服朝服諸侯。玄冠天子皮弁。則此弁為皮弁矣。倣倣舞

不止也。各本奪舞字。今據釋文補正。玉篇：倣倣舞不止

兒說文：倣倣舞兒。詩曰：婁舞倣倣。又女部：引作娑。娑，玉

篇同。晏子襍上篇云：側弁之俄，言失德也。婁舞倣倣言

失容也。○晏子又云：既醉而出，竝受其福。賓主之禮也。

醉而不出，是謂伐德。賓之罪也。說文：伐，一曰敗也。伐德

敗德也。大明傳云：嘉美也。令儀，善威儀也。案此言無算

北面坐取其薦脯以降奏陔賓所執脯以賜鐘人於門
內書遂出鄭注云明雖醉不忘禮大戴禮文王官人篇
云醉之以觀其不失是其義也

凡此飲酒或醉或否既立之監或佐之史傳立酒之監

佐酒之史彼醉不臧不醉反恥式勿從謂無俾大怠匪

言勿言匪由勿語由醉之言俾出童殺傳殺羊不童也

三爵不識矧敢多又疏凡此飲酒此字承上章末六句之意而言立監佐史所以觀察

其醉否凡飲酒禮皆然也鄭注鄉射云爵備樂畢將留賓以事爲有解倦失禮立司正以監之察儀法也引詩既立之監或佐之史○彼醉不臧彼字與上此字作對文彼彼飲酒無度者也臧善也不善猶無儀也式用也勿無也俾使也匪不也由用也言無使其大怠慢無度不言無禮之言不用無禮之語爲醉者設此禁詞然已醉矣用無從而謂之也以明醉者不可說數當早戒也抑傳章羊之無角者也此云殺羊不童則殺羊爲有角

矣爾雅夏羊牡羴牝羴程瑤田通藝錄釋蟲云牝牡二字互譌說文夏羊牡曰羴又曰羴羊羴牝也去勢曰羴詢之今之屠羊者綿羊牡曰羴牝之則曰羴牡者多有角亦閒有無角者百中之數頭耳其牝多無角亦閒有角者亦百中之數頭耳然卽有角亦不能如牡者之角大也案據程說則羴爲有角牡羊目驗之而確證今醉之言不中禮法或有從而謂之彼醉者推其類必使羴羊物變而無角謂出此童羴以止飲酒猶漢書云羴乳乃得歸皆必無是之事角所以爲爵故僭以設喻也此醉者詎人戒之詞○箋云三爵者獻也酬也酢也宣二年左傳臣侍君宴過三爵非禮也玉藻君子之飲酒也受一爵而色酒如也二爵而言言斯禮已三爵而油油以退鄭注云禮飲過三爵則敬殺可以去矣矧況也言凡禮三爵之後則不識德況敢多又飲乎此懲箴之詞以刺今之無度也

卷二十一終

詩毛氏傳疏卷二十二

長洲陳奐學

魚藻之什詒訓傳第二十二

毛詩小雅

魚藻之什十四篇六十二章三百二句

魚藻三章章四句

魚藻刺幽王也言萬物失其性王居鎬京將不能以自樂故君子思古之武王焉

魚在在藻有頒其首傳頒大首貌魚以依蒲藻爲得其

性王在在鎬豈樂飲酒疏

樊光注爾雅引詩有賁其首賁與墳通頒與墳義又合也

釋文引韓詩云頒眾兒韓讀頒爲紛謂魚口上見喝喝然眾多與毛詩異魚以依蒲藻爲得其性者傳合弟三

章依于其蒲而總釋之箋云魚之依水草猶人之依明
三此申傳義也○王武王也鎬鎬京豈亦樂也豈與樂
魚二義故一章豈樂
一章樂豈義並同也

魚在在藻有莘其尾傳莘長貌王在在鎬飲酒樂豈疏

說文艸部無莘而手部扞下云讀若莘廣雅舜多也疑
莘卽舜之異體故說文錄舜見孟斯釋文不錄莘今本
說文併佚舜字矣傳云長兒者莊子徐無鬼篇禍之長
也茲莘此莘有長義玉篇鯈魚尾長鯈蓋卽莘之俗大
首長尾得
性之驗也

魚在在藻依于其蒲王在在鎬有邠其居疏桑扈邠傳

也多者盛大
之詞居處也

采芣五章章八句

采芣刺幽王也侮慢諸侯諸侯來朝不能錫命以禮數

徵會之而無信義君子見微而思古焉

疏箋云幽王徵會諸侯為合

義兵征討有罪既往而無之是於義事不信也君子見其如此知其後必見攻伐將無救也正義即據史記幽王數舉烽火其後諸侯其能信至以證其事

采菽采菽筐之

傳興也菽所以芼大牢而待君子

也羊則苦豕則薇君子來朝何錫予之

傳君子謂諸侯

也雖無予之路車乘馬又何予之玄衮及黼

傳玄衮卷

龍也白與黑謂之黼

疏釋文菽本亦作叔昭十七年左傳小邾穆公來朝公與之宴季

平子賦采叔晉語秦穆公燕公子重耳賦采叔字皆作叔豆名作卡叔假俗字菽非古也小宛傳云菽藿也公

會大夫禮記餼芼牛藿羊苦豕薇鄭注云藿豆葉也詩之菽即儀禮之藿藿為牛俎之芼傳云芼大牢者兼牛

羊豕就牢禮而言以補明經義舉菽以咳苦薇也箋菽大豆也采之者采其葉以為醢三牲牛羊豕芼以藿王

饗賓客有牛俎乃用羹羹故使采之此鄭申傳義也
 大牢本以待君子之禮而言興者因所事而興也○序
 言諸侯來朝故知君子為諸侯也通章九君子同云玄
 袞卷龍也者玄衣也玄衣而加袞謂之袞袞者畫
 卷龍於裳也鄭謂畫卷龍於衣不合古制詳九袞
 與黑謂之黼考工記畫黼之事文王傳亦云黼白
 黑也禮器云諸侯黼袞為畫黼之事黼為刺之文故
 云袞及黼也爾雅斧謂之黼謂畫斧於依為天子
 之處古畫績與黼績散文則通稱故斧依為天子
 畫績於裳者不同解者誤以衣畫斧形為黼又誤以
 畫兩已相背為黼不知黼散皆畫文或以黑青縵為
 或以白黑縵為之爾雅黼散彰也揚之水傳黼黼也
 黼沸檻泉言采其芹傳黼沸泉出貌檻泉正出也君子

來朝言觀其旂其旂淠淠聲嘒嘒傳淠淠動也嘒嘒

中節也載駟載駟君子所屆疏水出兒澤與聲通十月

之交傳沸出也爾雅釋水灋泉正出正出涌出也傳所
 本也說文灋汜也引詩灋沸灋泉繫傳作澤沸灋泉字

芾金易又侯人大夫以上赤芾棄軒句法一例幅偏也
當作邪幅偏也各本奪一邪字正義云邪總於足謂之
邪幅故傳辨之云邪幅正是偏也是正義本有邪字可
證內則云偏屨著綦詩謂之邪幅禮記則謂之偏故傳
以偏釋邪幅也說文幅布帛廣也布帛廣施諸於纏足
謂之邪幅邪幅謂之偏取偏束之義故傳又申之云所
以自偏束也又謂之微說文云微衰幅也衰與邪同鄭
箋詩及注禮記內則杜注桓二年左傳皆謂之行滕此
古今異名也○紆緩釋言文彼交匪紆荀子勸學篇引
詩作匪交匪紆疑今本毛詩彼乃匪字之誤荀子云禮
恭而後可與言道之方辭順而後可與言而可與言從
而後可與言道之致故未可與言而言謂之微可與言
而不言謂之隱不觀氣色而言謂之瞽故君子不傲不
隱不瞽謹慎其身詩曰匪交匪紆天子所予此之謂也
案匪與非同非不也交古較字交傲一義桑扈彼交匪
敖左傳引詩作匪交匪敖義同所云未可與言而言謂
之微也傳訓紆為緩緩急緩也所云可與言而不言謂
之隱也不交傲不急緩則禮恭辭順色從矣君子如此
宜為天子所賜子毛義正同荀子韓詩外傳引詩彼交
匪紆天子所予言必交吾志然後子箋云彼與人交樓

本韓詩申重釋詁文天子命諸侯而又重之以百福千祿也假樂烈祖傳竝訓申為重

維柞之枝其葉蓬蓬傳蓬蓬盛貌樂只君子殷天子之

邦傳殷鎮也樂只君子萬福攸同平平左右亦是率從

傳平平辯治也疏柞之枝喻外諸侯言此者與諸侯承

蓬然盛也蓬蓬與凡聲相近○殷讀如臂與鎮聲相

近釋文鎮本作填古填與鎮通樂只襄十一年左傳引

詩作樂旨杜注云殷鎮也謂諸侯有樂美之德可以鎮

撫天子之邦平平釋文引韓詩作便便爾雅便辨也

書大傳子辨下土使民平平古平便聲通傳云辨治當

作治辨辨亦通作辨荀子儒效篇云分不亂於上能不

窮於下治辨之極也詩曰平平左右亦是率從是言上

下之交不相亂也毛傳正用師說又榮辱云脩正治辨

之證治辨左右者言天子治平上諸侯治平下辨別不
亂平平然左傳引詩作便蕃便與辨同言辨別也蕃與
縣同言縣亂也辨別縣亂謂之便蕃治辨謂之平平文
異而義同也韓詩云便便閒雅之兒當亦是治辨之極
之義思文傳率用也左傳作帥從謂諸侯之順從也亦
發聲亦是率從與我是用憂我是用長句略相同左傳
引此詩而釋之云夫樂以安德義以處之禮以行之信
以守之仁以厲之而後可以殷邦國同福祿來遠人所
謂樂也

汎汎楊舟緋纚維之傳緋絳也纚綏也明王能維持諸

侯也樂只君子天子葵之樂只君子福祿膺之傳葵揆

也膺厚也優哉游哉亦是戾矣傳戾至也疏汎汎流兒

汎汎楊舟緋纚維之傳緋絳也纚綏也疏汎汎流兒
通孫注云緯大索也李注云緯竹爲索所以維持舟者
釋文引韓詩云箝也箝才各反案箝亦繩索之名此當
爲緋之義釋文乃誤爲纚注耳又選顏延年元皇后哀

策文注引韓詩繩繫也是繩為維繫之稱綏者冠纓下
紕亦為繫也傳云明王能維持諸侯也者言明王維持
諸侯如紕之繩維楊舟以刺今幽王之不然也○藝揆
釋言文揆者度也古量度制度不分二音臆厚釋詁文
釋文引韓詩作臆說文臆或作臆節南山傳臆厚也臆
與臆通揆厚者言天子揆度諸侯之德而厚子之以福
祿也卷阿篇優游爾休矣與此優游同臆
至采芑小宛同至讀如君子至止之至

角弓八章章四句

角弓父兄刺幽王也不親九族而好讒佞骨肉相怨故
作是詩也

駢駢角弓翩其反矣傳興也駢駢調利也不善繼繫巧
用則翩然而反兄弟昏姻無胥遠矣疏駢駢說文引詩
作解解云用角
低印便也言一低一印用角便易與傳調利之訓合凡
角長二尺有五寸角之中當弓之淵其輔弓之繫短長

與弓淵相埒考工記弓人言居角之過長者以終繼爲
比也弛則伏諸檠張則去檠拂弓淵然後用之大射儀
小射正授弓大射正以袂順左右限上再下一此卽調
利用弓之法嗣者偏之假借傳云不善繼檠巧用則嗣
然而反者釋嗣其反矣句善蓋繕之省繼亦檠也巧猶
調利也弛不納諸弓檠用又不穀摩弓淵其必偏然而
反說苑建本篇身號之弓雖良不得排檠不能自任卽
其義也箋云興者喻王與九族不以恩禮御待之則使
之多怨也○昏姻因兄弟而推及之也正月洽比其鄰
昏姻孔云傳訓鄰爲親親亦是善兄弟而兼善昏姻
以刺幽王之不能兩詩意正同襄八年左傳晉范宣子
來聘公享之季武子賦角弓昭二年晉韓宣子來聘公
享之韓子賦角弓季武子拜曰敢拜子之彌縫敝邑寡
君有望矣旣享宴于季氏有嘉樹焉宣子譽之武子曰
宿敢不封殖此樹以無忘角弓案此兩引詩皆義取兄
弟之國宜相親近箋云胥相也骨肉之親當相親信無
相疏遠相疏遠則以親親之望易以成怨鄰亦
但說兄弟以詩本言兄弟故昏姻得從略耳

爾之遠矣民胥然矣爾之教矣民胥倣矣

疏箋云爾女
女幽王也

案此承上章胥遠而言遠遠兄弟教教民以相遠也倣古字作效白虎通義三教潛夫論班祿及羣書治要皆倣效昭六年左傳叔向曰楚辭我衷若何效齊詩曰爾之教矣民胥效矣從我而已焉用效人之辭其字亦作效

此令兄弟綽綽有裕不令兄弟交相為瘵傳綽綽寬也

裕饒也瘵病也

疏

此以民胥倣為此也爾雅釋言云寬綽也寬謂之綽故綽綽謂之寬又釋

訓云綽綽緩也孟子公孫丑篇豈不綽綽然有餘裕哉趙注云豈不綽綽然舒緩有餘裕平寬緩義相近傳裕饒下也字今補說文裕衣服饒也引申之則為凡饒之稱寬饒者能讓之謂也瘵病正月同交相為瘵斯不讓而已矣斯干篇兄及弟矣式相好矣無相猶矣箋猶當作瘵瘵病也鄭蓋本此詩

民之無良相怨一方受爵不讓至于已斯已傳爵祿不

以相讓故怨禍及之比周而黨愈少鄙爭而名愈辱求

安而身愈危疏民之無良此即不令之兄弟亦下文受

相怨也漢書劉向傳上封事書下至幽厲之際朝廷不

和轉相非怨詩人疾而憂之曰民之無良相怨一方後

漢書章帝紀上無明天子下無賢方伯人之無良相怨

一方此引詩以言怨之所聚即是爾敦民效之意又說

苑建本篇云民怨其上遂亡者未之有也韓詩外傳

亦云民皆居一方而怨其上王意合傳義當然也傳云

言交怨必致亡國與序刺幽王意合傳義當然也傳云

爵祿不以相讓釋受爵不讓句云故怨禍及之者怨即

冢上怨字禍及釋經已亡二字已謂已身也亡謂怨棄

也比周以下三句皆用荀子語以總釋無良相怨不讓

已亡也荀子儒效篇君子務脩其內而讓之於外務積

德於身而處之以道道如是則貴名起之如日月天下

應之如雷霆鄙夫反是比周而譽俞少鄙爭而名俞辱

煩勞以求安利其身愈危詩曰民之無良相怨一方受

爵不讓至于已斯亡此之謂也案俞古愈字元刻譽作

與讀書禠志以與為黨與故荀子作與毛傳作黨也韓

詩外傳云有君不能敬有弟欲其從令詩曰受爵不讓至

欲其孝有兄不能敬有弟欲其從令詩曰受爵不讓至

于己斯亡言能知於人而不能自知也箋云民之意不獲當反責之於身思彼所以然者而恕之鄭本韓義○案首章言幽王之宐親九族兄弟無相怨棄二章卽承無胥遠矣句言幽王遠兄弟而人則傲之三章卽承民胥傲矣句言兄弟之不善遂相爲病四章卽承交相爲瘵句言兄弟生怨爵祿不讓將有喪家亡身之禍則子兩章宐安待族人以刺幽專好讒佞而言骨肉相怨由於遠○疏人○以刺幽專好讒佞而言骨肉相怨由於不親九族之故不親九族又由於好讒佞之故

老馬反爲駒不顧其後傳已老矣而孩童慢之如食宐

謳如酌孔取

傳

謳飽也疏

傳以老釋老馬孩童釋駒釋文孩本亦作咳正義本作咳

并引說文云咳小兒笑也孩咳字通後不先也言老馬

而反視爲駒任之以勞不顧其不能先所謂慢也經言

喻義傳則言其正義以明王者不可慢老人也故下文

卽言養老之禮○古謳餼通用常棣飲酒之餼韓詩作

謳說文餼燕食也飽獸也餼飽連言則謳飽同訓常棣

以餼爲謳此又以謳爲餼也說文繫傳引詩正作餼孔

取與宜餽對文宜孔皆語詞耳孔甚也甚取言取酌之多如食宜飽之如酌甚取之會飲飽醉正養老之事箋謂王有族食族燕之禮與傳同唯孔為器孔之孔釋文引韓詩宜餽作儀餽云儀我也皆不謂語詞

毋教猱升木如塗塗附傳猱援屬塗泥附箸也君子有

徽猷小人與屬傳徽美也疏猱援屬正義云猱則援之

獼猴也長臂者為援爾雅猱援善援說文亦作媛出車傳塗凍釋也塗者以土之粉解帶水而言故傳訓塗為

泥附之為言耐也耐者合也傳訓附為箸箸亦合箸也泥謂之塗以泥箸之謂之塗附此設喻二句一意與上章

得義毋教猱升木如塗塗附此設喻二句一意與上章設喻亦二句一意同其例毋依全詩字例求之當作無

不也如而也猱喻不令兄弟列女傳母儀篇引詩以猱比公子州呼是其義也猱之性善登木而以泥附箸

於木不教猱升以明王者宜與族人樂問善道而連屬之也故下文正言其事○爾雅徽猷也美善義相近猷

當作猶猶道也君子有徽猷小人與屬此二句平列與上章末二句平列同其例君子小人指族人在位或不

在位者言屬讀
不屬于毛之屬

雨雪漻漻見覲曰消傳
見日氣也莫有下道式居塙驕

疏漻漻疑詩本作庶庶後人加水旁耳韓詩外傳四荀

鏤盛兒載駟熊熊眾兒竝以庶聲得義則此庶庶為兩

雪眾盛也見覲合二字成義見謂日見非謂雪見日也

釋文引韓詩作瞻覲云日出也荀子作宴然廣雅瞻然

燠也史記封禪書燠盟有黃雲蓋易漢書郊祀志作宴

溫皆合二字成義荀書之宴韓詩之燠與毛詩之見皆

謂日之初升天氣清明也說文無燠字火部然燒也然

有氣燠之意毛韓之覲與荀書之然義皆同也傳但釋

覲為日氣不解見字疑有奪字當云見覲日出氣也則
文義始備矣日氣初升而雪遂消卷阿傳惡人被德化
而消即此消字之義也韓詩外傳云上法舜禹之制下
則仲尼之義以務息十子之說如是者仁人之事畢矣
天下之害除矣聖人之迹著矣又外傳云孔子曰聖士
哉大人出小人匿聖者起賢者伏竝引此詩劉向封
事書君子道長小人道消則政日治故為泰泰者通而

治也亦引此詩鄭箋以雨雪消喻小人誅滅蓋用韓以
申毛也○遺荀子作隧古遺隧音同說文旋或作旋此
其例北門傳云遺加也此遺字當亦訓加宴數也其月
下遺式居宴驕言小人之行不月卑下加禮於人唯數
數驕慢好自用也箋亦謂小人不月謙虛而驕慢義亦
同荀子非相篇云人有三不祥幼而不月謙虛而驕慢
月事貴不肖而不月事賢是人之三不祥也人有三必
窮爲上則不能變下爲下則好非其上是人之一必窮
也鄉則不若僧則謾之是人之二必窮也知行淺薄曲
直有以縣矣然而仁人不能推知士不能明是人之三
必窮也人有此三數行者以爲上則必危爲下則必滅
詩曰雨雪麋鹿宴然幸消莫月下隧式居宴驕此之謂
也荀子引詩指小人而在位者說傳義正同

雨雪浮浮見睨曰流傳浮浮猶瀟瀟也流流而去也如

蠻如髦我是用憂傳蠻南蠻也髦夷髦也疏浮浮瀟瀟

江漢浮浮廣大也廣大亦眾盛意故云浮浮猶瀟瀟也
禮記大學篇唯仁人放流之屏諸四夷不與同中國卽

此流字之義也傳云流流而去也者兩雪因日氣而流以喻讒佞之去蒼伯豈不爾受既其女遷傳遷去也亦謂去爲去讒人○爾雅釋地六蠻周禮職方八蠻在殷者蠻有六種在周者蠻有八種傳以蠻爲南蠻則髦爲而夷夷髦謂而夷之髦種也箋云髦而夷別名武王伐紂其等有八國從焉案今書牧誓作髦括地志云姚府以南古髦國之地有髦州原原本方與紀要云雲南楚雄府定遠縣唐爲髦州地天寶中沒於南詔曰牟州牟與髦同音也顧祖禹方輿紀要其底秦原本多親筆更改與外流傳本頗有不同舊存存與處韓詩外傳云出則爲宗族患入則爲鄉黨憂詩曰如蠻如髦我是用憂小人之行也又云今夫肢體之序與禽獸同節言語之暴與蠻夷不殊混然無道此明王聖主之所罪並引此詩箋今小人之行如夷狄而王不能變化之鄭亦用韓申毛也此末二章皆以刺幽王之好讒佞我是用憂我父兄也十月之交傳云親戚之臣心不能已

菴桺三章章六句

菴桺刺幽王也暴虐無親而刑罰不中諸侯皆不欲朝

言王者之不可朝事也

有苑者柳不向息焉傳興也苑茂木也上帝甚蹈無自

暱焉傳蹈動暱近也俾予靖之後予極焉傳靖治極至

也疏傳云苑茂木也疑也當作兒桑柔苑彼桑柔傳苑

茂釋詞云不語詞不向向也案息者休也茂然之柳木

人可以休息之興者以喻王者之朝諸侯願往之一二

章同末章身傳于天喻諸侯之朝天子上帝席幽王

也蹈即如悼之假俗蹈與如為聲近鼓鐘憂心且如傳

如動也如謂之動蹈亦謂之動蹈又與悼為聲轉槍羔

我中心是悼傳悼動也悼謂之動蹈亦謂之動雙蹈讀

曰悼是也傳云動者猶亂也眾經音義卷五引詩上帝

甚陶陶變也此三家義動與變義相近暱近爾雅釋詁

文此章無自近言無自近亂也下章無自病言無自取

病也皆謂幽王暴虐不可朝事廣雅暱病也王念孫疏

證云訓暱為病當本之齊魯韓詩與宋三家詩暱療同

訓病上下章一律毛傳例不一律而辭有互足義有互

明故訓暱為近與訓療為病訓不同而意無不同王以
毛傳訓近為非則失之矣釋文云俾本作卑後皆同卑
使也末章易子靖之易訓害使為致使納於刑罰則是
害也靖治釋詁文治謂治其罪也後子極與後子邁同
義邁者行也傳訓極為至至當讀如君子至止
之至言恐致治我罪我是以後至不欲朝事也

有苑者桺不尙惕焉傳惕息也上帝甚蹈無自療焉傳

療病也俾子靖之後子邁焉疏上章不尙息焉此章不
尙惕焉民勞三章迄可

○小息四章迄可小惕惕與息同義故傳並訓惕為息也
療病釋詁文瞻印士民其療傳亦云療病也韓詩外

傳載荀子賦曰璇玉璫珠不知佩襍布與錦不知異間
姬子都莫之媒媒母力父是之喜以肯為明以聾為聰

以是為非以吉為凶嗚呼上天曷維其同其下引詩曰
上帝甚愆無自療焉案外傳引詩以證聰明是非吉凶

悉皆顛亂與毛詩訓詁為動字異而意同荀子賦篇不
引詩而楚策載荀子賦其下亦引詩曰上天甚神無自

療也王念孫讀書藥志云外傳每章之末必引詩為證
若戰國策則無此例也後人取外傳附益之耳引詩上

帝作上天因與上文嗚呼上天相涉而誤神者憮之壞
字察焉作療也亦是傳寫之誤案王說是也高誘注楚
策已從誤本詩考
入異字異義條下

有鳥高飛亦傳于天彼人之心于何其臻易予靖之居

以凶矜(傳)易害矜危也(疏)于何其臻潛夫論賢難篇作

席幽王也幽王之心於何所至乎言其轉側無常人不
知其所屈疑箋所據經其作不古害易聲同通假其字
作曷其義爲害此謂假借也長發傳同害言賊害也居
猶其也語詞廣雅矜危也本傳訓凶危言凶暴危險也

都人士五章章六句

都人士周人刺衣服無常也古者長民衣服不貳從容

有常以齊其民則民德歸壹傷今不復見古人也(疏)後

云據箋正義此序當作周人
刺服無常也服上無衣字

彼都人士傳彼彼明王也狐裘黃黃其容不改出言有

章行歸于周傳周忠信也萬民所望疏傳云彼彼明王也者下泉序明

王賢伯對稱明王為周之先王也周禮小都卿之采地大都公之采地及王子弟所食邑外諸侯入為天子大

夫亦食邑於都謂之卿士詩言萬民所望者天子曰兆民諸侯曰萬民縣內諸侯與畿外同也又三章言充耳

璫實與淇奧二章充耳璫瑩同二傳訓美石義亦同彼衛武公入為天子卿士之服此都人士同有是服則其

為王朝大夫與古明王共有長民之責者正義以都人士目為庶人誤也○狐裘黃黃狐黃裘也白虎通義衣

裳篇天子狐白諸侯狐黃大夫狐蒼士羔裘然則諸侯狐黃裘矣論語鄉黨黃衣狐裘禮記玉藻狐裘黃衣以

裼之此黃衣為裼衣郊特牲黃衣黃冠而祭此黃衣為蠡祭之衣鄭注合為一事金榜已辨之其緇衣注云黃

衣則狐裘大蠡之服也詩人見而說焉然蠡祭國人皆與故黃衣黃冠為庶人祭服與詩義不合箋云冬則衣

狐裘黃黃然取溫裕而已黃黃為形容狐裘之色狀不指蠡祭此說得之○襄十四年左傳君子謂子囊忠君

指蠡祭此說得之○襄十四年左傳君子謂子囊忠君

蕝不忌增其名將歿不忌衛社稷可不謂忠乎忠民之望也詩曰行歸于周萬民所望忠也左引詩以明子襄之忠其實忠信必連言而義始備傳釋周為忠信正本左傳皇皇者華傳忠信為周本國語楚語云民事忠信是其義也禮記緇衣篇子曰長民者衣服不貳從容有常以齊其民則民德壹詩云彼都人士狐裘黃黃其容不改出言有章行歸于周萬民所望鄭注云此詩毛氏有之三家則以正義引服虔左傳注云此逸詩也今韓詩實無此首章時三家列於學官毛詩不得立故服以為逸

彼都人士臺笠緇撮傳臺所以禦暑笠所以禦雨也緇

撮緇布冠也彼君子女綢直如髮傳密直如髮也我不

見兮我心不說

疏

汪龍詩異義云南山有臺疏及文選謝玄暉臥病詩注引此傳云臺所以

御雨又無羊傳衰所以備雨笠所以御暑則毛公本臺為御雨笠為御暑此傳暑雨字正是後人轉寫誤倒笠本以禦暑而亦可禦雨故良邦傳曰笠所以禦暑雨案汪說是也南山有臺傳臺夫須臺皮可以為臺因之御

雨之物卽謂之臺此傳臺御雨無羊傳寒備雨則臺卽
衰矣臺與笠明是二物箋云臺夫須也以臺皮爲笠卽
以臺笠與繼撮對語合爲一物矣又案無羊篇爾牧來
思何衰何笠牧人何衰笠則臺笠不專屬庶人郊特牲
大羅氏天子之掌鳥獸者也諸侯使使者戴草笠貢鳥獸也詩
野服也鄭注云諸侯於蟠使使者戴草笠貢鳥獸也詩
云彼都人士臺笠繼撮鄭或本三家詩繼爲繼布冠撮
卽所以固繼布冠之物傳渾言以釋之而學者皆不得
其撮字之義儀禮士冠禮繼布冠缺項青組纓屬于缺
繼繼廣終幅長六尺鄭注云缺讀如有頰者弁之類繼
布冠無弁者著頰圓髮際結項中隅爲四綴以固冠也
項中有繼亦由固頰爲之耳今未冠弁者著卷幘頰象
之所生也滕薛名齒爲頰屬猶箸繼今之幘梁也終充
也繼一幅長六尺足以韜髮而結之矣裘服注云首經
象繼布冠之缺項案此缺項之制也缺在項故謂之缺
項詩之撮卽儀禮之缺缺爲固冠之物撮亦固冠之義
莊子寓言篇向也括撮而今也被髮道藏本陳景元音
義有撮字各本奪撮卽詩之撮也人閒世篇會撮指天
崔謨云會撮項椎也司馬彪云會撮髻也古者髻在項
中脊曲頭低故髻指天也大宗師篇句贅指天李頤云

句贅項椎也其形似贅言其上向也蓋贅即撮也又淮南子精神篇燭營指天高誘云燭陰華也營其竅也又淮營讀曰括撮也括與會通故會髮即括髮其固緇布冠之物是謂之缺亦謂之撮缺從夫聲撮從最聲古音正同撮者本字缺者假借字儀禮之缺項缺當讀如臺笠緇撮之撮鄭注缺讀如有類者弁之類毛傳以類為簪弁之兒則不為固冠之物名矣緇布冠為三加之始冠諸侯有績綬諸侯以下無績綬以緇布冠為常服其猶大古冠布之遺與○傳讀綢為周故釋綢為密說文周密也杜注昭二十年左傳周密也周謂之密凡從周得聲字皆可謂之密說文今稠髮也鬻髮多也稠鬚竝有密義密直如髮言其髮之密直如猶而也與四章云彼君子女卷髮如髮意同箋讀如為比方之詞

彼都人士充耳琇實傳琇美石也彼君子女謂之尹吉

傳尹正也我不見兮我心苑結疏琇當作琇琇美石詳

兒尹正爾雅釋言文王肅云尹吉正而吉也案吉善也上章云彼君子女綢直如髮下章云彼君子女卷髮如

蔓上下章皆言容之美此章言其德之美也○苑依釋
文正義皆作苑徐音鬱正月苑音同素冠云我心蕙結
兮苑結即
蕙結也

彼都人士坐帶而厲傳厲帶之坐者彼君子女卷髮如

蔓我不見兮言從之邁疏古厲烈聲相通爾雅烈餘也

而厲卽下章言匪伊坐之帶則有餘也傳云厲帶之坐
者毛正讀厲爲烈矣帶之坐者爲大帶高注淮南汜論
博帶大帶引詩坐帶若厲是也箋而亦如也而厲如聲
厲也聲必坐厲以爲飾厲字當作裂內則注聲小囊盛
帨巾者男用韋女用緇有飾緣之則是聲烈與詩云坐
帶如厲鄭讀厲爲聲裂之裂義或本三家詩桓二年左
傳繫厲依鄭讀亦爲聲裂上文云帶裳幅易則繫厲疑
非帶謂左傳繫厲爲聲裂則可謂詩之厲爲聲裂則不
可詩但言厲不得增入聲字也卷阿傳卷曲也箋云蔓
螫蟲也尾末捷然似婦人髮末曲上卷然鄭亦訓卷爲
曲也禮記襍記下女雖未許嫁年二十而笄禮之婦人
執其禮燕則髻首注旣笄之後去之猶若女有髻紛也

鬢與卷同。○言猶云也。我不見兮言從之邁從之邁也。下章我不見兮云何盱矣何其盱也何人斯傳云云言也是云言同義故言與云亦皆爲語詞。

匪伊坐之帶則有餘匪伊卷之髮則有旗傳旗揚也我

不見兮云何盱矣疏王引之釋詞云匪彼也言彼帶之

上文言彼都人士坐帶而厲彼君子女卷髮如蠶也說者訓匪爲非失之矣傳訓旗爲揚旗猶舉也說文云揚飛舉也箋云旗枝旗揚起也枝卽檣字言髮之揚起如檣旗也說稍異。○卷耳傳云盱憂也言憂傷之深也此卽序傷今不復見古人之意。

采綠四章章四句

采綠刺怨曠也幽王之時多怨曠者也

終朝采綠不盈一弔傳興也自旦及食時爲終朝兩手

曰**子髮曲局薄言歸沐****傳**局卷也婦人夫不在則不

容飾**疏**綠讀為萊假借字也楚辭注引詩終朝采芣淇

手曰**子**椒桺同興者怨曠之人自旦及食時為終朝燧煉同兩

而不滿兩手以喻憂思之淡卷耳采采卷耳不盈頃筐

傳憂者之興也義與此同○正月局曲也卷阿卷曲也

局卷並有曲義傳云婦人夫不在則不容飾以釋子髮

曲局句也伯兮自伯之東首如飛蓬豈無膏沐誰適為

容傳婦人夫不在無容飾義與此同薄言語詞歸夫歸

也沐沐髮也

終朝采藍不盈一襜**傳**衣蔽前謂之襜五日為期六日

不詹**傳**詹至也婦人五日一御**疏**說文藍染青艸也衣

器文說文襜衣蔽前段注云此謂衣非謂蔽剗也引申

之凡衣或曰襜褕或曰襜褕皆取蔽義案段氏說甚精

詩人言欲以襜盛藍與以衽納芣苢其事相同芣苢傳

結執衽也襜褕衽也衽屬裳之兩旁而襜則其在前者

也碩人傳嫁則錦衣加裝襜褕猶衣裳爾雅毛傳釋詩竝云衣蔽前正謂其裳之蔽前者耳釋名裳障也以自障蔽也古者衣皮先知蔽前蔽後乃其遺象不得謂蔽前卽蔽後明甚○詹至知蔽前蔽後乃其遺象不得謂宮傳同婦人五日一御禮記內則文上章言望夫之歸此章言夫不至因念及夫在進御之情故傳文先釋不詹爲不至再釋五日之義五日六日連而及之非行役過六日便生怨曠正義引孔晁云行役過時而以六日不至爲過期之喻非止六日是也又王肅云五日一御大夫以下之制案下章云之子于狩之子于釣之子爲行役之君子其非庶人可知綢繆傳大夫一妻二妾是有正寢一小寢二夫婦恒居不必同寢五日一御禮或宜然內則云妾雖年老未滿五十必與五日之御禮記言妾不言姪娣明是大夫以下之制也鄭以五日爲諸侯制非大夫以下婦人進御之日限其注禮記以五日配諸侯九女至箋詩乃依傷月令小正采藍當在五月故以五日六日爲五月之性陰陽正紀隔絕其道則水後漢書劉瑜傳且天地之性陰陽正紀隔絕其道則水旱爲并詩云五日爲期六日不詹怨曠作歌仲尼所錄此亦言怨曠者舉近以喻遠也

之子于狩言韞其弓之子于釣言綸之繩

疏韞弓弣弓也郭注釋

草綸今有秩畜夫所帶糾青絲綸是綸有糾合之稱綸之繩與韞其弓對文之猶是也之子狩歟則弣其弓之想之如此下章又因釣而申說之耳皆為怨曠之詞非而為之韞弓綸繩也

其釣維何維魴及鱖維魴及鱖薄言觀者

疏勸釋文引韓詩作觀

黍苗五章章四句

黍苗刺幽王也不能膏潤天下卿士不能行召伯之職

焉

疏召伯召穆公虎也申伯封謝召伯述職詩陳古以刺今

芄芃黍苗陰雨膏之

傳興也芃芃長大貌悠悠南行召

伯勞之悠悠行貌

疏

天有陰雨膏澤百物興者以喻古賢伯承順王者之恩施膏潤

天下亦如陰雨之膏黍苗凡然長大也襄十九年左
傳范宣子賦黍苗季武子興再拜稽首曰小國之仰大
國也如百穀之仰膏雨焉若常膏之其天下輯睦豈唯
敝邑晉語子餘使公子賦黍苗子餘曰重耳之仰君也
若黍苗之仰陰雨也此兩引詩竝以古賢伯起興○悠
薦在宗廟君之力也此兩引詩竝以古賢伯起興○悠
讀為攸說文攸行水也引申之義凡行皆曰攸竹竿傳
洩洩流兒洩即攸之隸變義正相近南謝莊周南也申
伯對謝則悠悠然行能建國親侯此即膏潤天下之意
也勞勤也召伯勞之卿士述職也箋以悠悠為徒役眾
多然將徒役而往營謝未免擾動兵眾
不中時務嵩高詩但言因謝作庸也

我任我輦我車我牛傳任者輦者車者牛者我行既集

蓋云歸哉疏

我我申伯也任者箋云有負任者輦者箋

車者正義以為大車云此轉運載任則是大任以駕牛
者也牛者箋云有牽傷牛者正義引秋官罪隸凡封國
若家牛助為牽傷又引地官牛人凡軍旅行役共其兵
車之牛與其牽傷以載公任器牽傷在轅外不與將車

同也箋主召伯營謝轉餽則牛爲封國牽傷之牛罪隸
之所助者今細繹傳悃二章三章皆敘申伯入謝牛卽
軍旅行役所牽傷之牛當爲牛人之所其者正義據罪
隸以申明箋說是已至傳與箋不同孔氏尙未能明也
傷當作衍說文彳部徧附行也○集就猶成也蓋讀爲
盜爾雅曷盜也曷謂之盜盜又謂之曷蓋亦謂之曷蓋
云歸哉曷云歸哉也蓋云歸處曷云歸處也歸歸于謝
也晉語重耳若獲集德而歸載使主晉民成封國其何
實不從韋注云集成也載祀也集德歸載正以釋詩集
歸之義歸爲歸謝明矣嵩高云申伯還南謝于誠歸

我徒我御我師我旅

傳

徒行者御車者師者旅者我行

旣集蓋云歸處

疏

徒行者御車者徒御對文則徒爲徒

車者謂君子也上韋任輦車牛是言申伯遷謝任載之
事下韋徒御師旅是言申伯入謝從行之眾皆就申伯
一邊說嵩高云以峙其楨式遄其行卽此上章之義也
又云旣入于謝徒御嘽嘽卽此下章之義也彼傳云徒
御嘽嘽徒行者御車者嘽嘽喜樂也此徒御卽嵩高之
徒御故兩傳訓同師者旅者以釋經之師旅有爲師者

有爲旅者謂是從入謝之官師與泛言師旅爲衆者異也王引之左傳述聞云經傳言師旅者有二義一爲士卒之名小司徒五卒爲旅五旅爲師是也一爲羣有司之名宰夫掌百官府之徵令辨其八職一曰正掌官灋以治要二曰師掌官成以治凡三曰司掌官灋以治四曰旅掌官常以治數是也襄十年左傳官之師旅不勝其富十四年傳今官之師旅無乃實有所闕以攜諸侯晉語陽有夏商之祠典有周室之師旅樊仲之官守焉皆謂掌官成官常者官之師旅猶言羣有司也周室之師旅卽官守也蓋樊仲之官守所守者祠典也其官則師旅也三句一貫故下文但曰其非官守也其大小之孝則旅卑於師師又卑於正故入職師旅在正之下成十八年傳師不陵正旅不偏師言小不加大也襄二十五年傳百官之正長師旅先正長而後師旅也楚語天子之貴也唯其以公侯爲官正而伯子男爲師旅言公侯之統伯子男猶官正之執師旅也乃杜注師不陵正旅不偏師曰師二千五百人之帥也旅五百人之帥也注官之師旅曰帥師旅也皆不師旅小將帥也韋注伯子男爲師旅曰帥師旅者夫帥師旅知師旅爲羣有司之名而誤以爲帥師旅者夫帥師旅

者豈得遂謂之師旅乎至韋注周室之師旅曰周室之
師眾則又誤以爲人眾之名矣案此箋解師旅謂五
百人爲旅五旅爲師引春秋傳君行師從卿行旅從其
誤正與杜注左傳韋注國語同此是申伯入謝不必盛
言兵眾嵩高傳以徒御爲虎賁又王命傳御遷其私人
傳御治事之官也私人家臣也傳御私人亦卽在徒御
師旅之中則此師旅非兵眾可知鄭箋以徒御師旅皆
謂召伯之士卒與毛傳不同義二千五百人爲師則傳
不得稱之曰師者矣五五人爲旅則傳不
得稱之曰旅者矣正義依箋申傳失之

肅肅謝功召伯營之傳謝邑也烈烈征師召伯成之疏

小星肅肅宵征傳云肅肅疾兒嵩高傳謝周之南國也
此云謝邑也者謝在周爲南國之邑周宣王徙封申伯
於謝邑而召伯往營成之嵩高云于邑于謝南國是式
又云登是南邦世執其功傳功事也兩功字義同烈烈
讀如如火烈烈征行也師眾也襄二十七年左傳鄭伯
享趙孟于錫陂子西賦黍苗之四章趙孟曰寡君在武
何能勇言不敢
受召伯之任也

原隰既平泉流既清傳土治曰平水治曰清召伯有成

王心則寧疏原隰既平則土治矣泉流既清則水治矣

本也說苑建本篇夫本不正者未必倚始不盛者終必衰詩云原隰既平泉流既清本立而道生是故君子貴建本而重立始王宣王也寧安也

隰桑四章章四句

隰桑刺幽王也小人在位君子在野思見君子盡心以

事之也疏唐石經初刻之下有也字羣書治要亦有也字今補

隰桑有阿其葉有難傳興也阿然美貌難然盛貌有以

利人也既見君子其樂如何疏阿之爲言猗也淇奧傳

難之爲言邴也釋文難乃多反其讀同邴桑扈邴傳邴多也盛與多同義阿難連縣字甚楚曰猗儺邴曰猗邴

聲義皆同也案此詩三章皆言隰桑有阿首章言有阿又言有難故傳分別以釋之云有以利人也者桑葉之美盛以利人興君子之德以庇陰人隰以言在野也小人在位則君子在野矣故詩人思欲見君子也○既見君子其樂如何既猶終也言君子在位有利人之德政故可樂也

隰桑有阿其葉有沃傳沃柔也既見君子云何不樂疏

阿阿難也柔言阿難單言阿也沃古字作沃柔者亦是美盛之意

隰桑有阿其葉有幽傳幽黑色也既見君子德音孔膠

傳膠固也疏幽黑色也幽即黝之古文假借說文黝微青

黝○膠固爾雅釋詁文列女傳賢明篇引詩曰既見君子德音孔膠又韓詩外傳云夫習之於人微而箸淡而固是暢於筋骨貞於膠漆是以君子務為學也亦引此詩膠訓為固三家詩義同也

心乎愛矣遐不謂矣中心藏之何日忘之疏遐不謂矣

作瑕不謂矣遐瑕古通用鄭注云瑕之言胡也謂猶告

也南山有臺篇遐不眉壽遐不黃耇遐不皆胡不也藏

當作臧釋文作臧羣書治要作臧禮記釋文誤作州頭

臧云鄭解詩作臧善也王肅訓善其字亦當作臧中心

謂思見君子中心好之耳案末章言君子事君之道序所

不欲陳孝經子曰君子之事上也禮記表記子曰事君欲諫

將順其美匡救其惡故上下能相親也竝引此詩襄二

十七年左傳鄭伯享趙孟趙孟賦鴈桑趙孟曰武請受

其卒章此賦詩以君子美趙孟趙孟但斷取忠君愛上

章也皆與序合

白華八章章四句

白華周人刺幽后也幽王取申女以爲后又得褒姒而

黜申后故下國化之以妾爲妻以孽代宗而王弗能治

幽王立褒姒爲后在
卽位之四年五年中

傳興也白華野菅也已漚爲菅之

白華一名野菅爾雅釋草文舍人注云
白華一名野菅爾雅釋草文舍人注云

藝錄謂菅柔忍而茅脆以白華者爲蘆苳說詳東門之
池篇野菅已漚曰菅猶紵麻作布曰紵故傳本爾雅旣
以白華爲野菅而又釋經菅兮之菅以爲已漚者之名
也東門之池傳云漚柔也野有苳廬傳云白茅取潔清
也案詩凡八章皆各自爲興首章興義正義引王肅云
白茅束白華以興夫婦之道宜以端成絮白相申束然
後成室家也箋以菅喻申后茅喻廢似菅柔忍中用更
取白茅收束喻取申后更納廢似與二章傳義不合則
此章當從述毛爲長○
箋云之子席幽王也

英英白雲貌露亦有雲言天地

之氣無微不至養也夫步艱難之子不猶傳步

行猶可也

疏

英英釋文引韓詩作泱泱潘岳射雉賦天

亦有雲者以釋白雲即露也御覽天部八引傳言天地

之氣無微不著無不覆養也今本奪也字補淮南子主

術篇云覆露照導皆化無私義亦同也管茅即豕上章

言管即白華茅即白茅正義云上既言王不以禮已失

管茅申束之義故因言管茅之蒙蒼英英然白雲下露

潤彼管之與茅使之得長成以反興申后見黜管茅之

不如箋謂管彼可以為管之茅使與白華之管相亂易

則此章之管與上章之白華不同恐非經旨○步行桑

柔同中谷有推傳艱亦難也猶可陟岵同正義云王肅

云天行艱難使下國化之以倡為不可故也侯苞云天

行艱難於我身不我可也如肅之言與上章不類今以侯為毛說

泂池北流浸彼稻田

傳

泂流貌嘯歌傷懷念彼碩人**疏**

泂說文作洌水流兒从水彪省聲詩曰泂池北流許本

毛不謂泂為水名箋豐鎬之閒水北流正義云文王有

聲箋豐在豐水面鎬在豐水東然則豐鎬之閒唯豐水

耳池者下田畜水之處池引豐水亦北流也案孔說是

也鎬京諸水唯豐為大鎬京之水而承豐水北入於渭
池水即豐水鎬池其遺跡歟鄭注水經渭水篇鎬水又
北流西北注與泥池合水出鄠池而北流入於鎬毛
詩云泥流浪也而世傳以為水名矣鄭所據毛傳與今
本異其云泥池水北流入鎬亦與古異浸彼稻田與上
章露彼菅茅喻意同○噉當依釋文作歛箋云碩大也
妖大之人謂衰姍也申后見黜衰姍之所為故憂傷而
念之案鄭意篇中五我字皆指申后四章六章云維彼
碩人實勞我心若碩人指申后則我心之我又屬何人
矣衛風碩人為夫人故此碩人為衰姍后與夫人一也
此鄭義也王肅
孫毓不同於鄭

樵彼桑薪叩烘于熤傳叩我烘燎也熤雉竈也桑薪宜

以養人者也維彼碩人實勞我心疏叩我匏有苦葉生

也烘燎爾雅釋言文燎當作寮說文烘寮也詩曰叩烘
于熤熤雉亦釋言文傳既本爾雅釋熤為雉而又釋之
為竈也郭璞云今之三隅竈說文雉行竈也从火圭聲
讀若同薪為炊爨故云宜以養人言桑薪者氓傳桑女

功之所起是其義也傳先釋熤而後釋桑薪者此逆解
為訓之例宜以言不宜也正義云桑薪薪之善者宜以
炊爨而養人今不以炊爨反燎於熤竈失其所也以興
申后有德安居王后之位而母養天下今不以當尊反
黜為卑賤
非其宜矣

鼓鍾于宮聲聞于外傳有諸宮中必形見於外念子燥

燥視我邁邁傳邁邁不說也疏傳云有諸宮中必形見

詩而釋之云言有中者必能見外也箋云王失禮於內
而下國聞知而化之王弗能治如鳴鼓鍾於宮中而欲
外人不知亦不可止○說文燥愁不安也从心臬聲詩
曰念子燥燥正月傳燥燥猶戚戚也抑傳燥燥憂不樂
也釋文云邁邁韓詩及說文並作怖怖韓詩云意不說
好也許云很怒也然則毛詩邁邁訓不說即為怖怖之
假借古怖邁聲同宣十一年公羊傳是以使君王沛焉
何注云沛焉者怒有餘之貌沛亦怖之假借廣雅怖怒
也

有鷩在梁有鶴在梁傳鷩鷩鷩也維彼碩人實勞我心

疏說文楊禿楊也或作鷩李時珍本草綱目云禿鷩水鳥之大者也出南方有大湖泊處其狀如鶴而大青

蒼色張翼廣五六尺舉頭高六七尺長頸赤目頭項皆無毛其頂皮方二寸許紅色如鶴頂其喙淡黃色而扁

直長尺餘其喙下亦有胡袋如鵝鵝狀其足爪如雞黑色性極貪惡能與人鬪好啖魚蛇及鳥雛詩云有鷩在

梁即此案鷩喻衰如鶴喻申后鷩在梁得食魚鶴在梁不得食魚以喻衰如安享而申后窮困也

鷩鷩在梁戢其左翼之子無良二三其德疏鷩鷩傳云

又云戢其左翼言休息也言此者以喻夫婦之道各有配耦然後休息得所刺今之不然

有扁斯石履之卑兮傳扁扁藥石貌王藥車履石之子

之遠俾我疢兮傳疢病也疏斯猶其也有扁斯石言扁

經言扁傳云扁扁扁扁為藥石之兒正義謂上車履石之兒者誤也周禮隸僕王行洗藥石鄭司農注云藥石

王所登上車之石也詩云有扁斯石屨之卑兮謂上車所登之石仲師說正本毛傳王上車所登之石石曰秦石猶馬曰秦馬車曰秦路也李善注文選任彥昇進今上牋引尸子曰晉者武王崩成王少周公旦踐東宮屨秦石假爲天子七年又見淮南子齊俗篇高誘注云人君升車有秦石也此皆秦石之證也士昏記婦升車法婦秦以几從者二人坐持几相對賈疏云王后則屨石大夫諸侯亦應有物屨之但無文今人猶用臺案屨之卑猶小戎軫之淺皆便於上車之謂言王后出入與王同體也以反刺今王后之易位不得其宜上章興體皆用反興此亦然也箋以屨卑喻申后見黜而卑賤非傳之指矣○底當依石經作牋釋文祔支反是也氏聲在支佳部故與卑爲韻傳訓疵爲病無將大車同

縣蠻三章章八句

縣蠻微臣刺亂也大臣不用仁心遺忘微賤不冝飲食
教載之故作是詩也疏箋云微臣謂士也古者卿大夫出行士爲末介士之祿薄或困

乏於資財則當賙贍之幽王之時國亂禮廢
恩薄大不念小尊不恤賤故本其亂而刺之

縣蠻黃鳥止于丘阿傳興也縣蠻小鳥貌丘阿曲阿也

鳥止於阿人止於仁道之云遠我勞如何飲之會之教

之誨之命彼後車謂之載之疏

縣蠻雙聲禮記大學作緡蠻文選何晏景福殿

賦王融曲水詩序注引韓詩章句縣蠻文兒傳云小鳥兒者毛意因以黃鳥喻微臣也曲阿釋阿不釋丘鳥止於阿以釋經義人止於仁傳又以明經之興義也大學云子曰於止知其所以止可以人而不如鳥乎鄭注引論語擇不處仁以明人亦當如鳥之擇處箋止謂飛行所止託也興者小鳥知止於丘之曲阿靜安之處而託息焉喻小臣擇卿大夫有仁厚之德者而依屬焉案此皆足以申成傳義○箋云後車倅車也

縣蠻黃鳥止于丘隅豈敢憚行畏不能趨飲之會之教
之誨之命彼後車謂之載之

縣蠻黃鳥止于丘側豈敢憚行畏不能極飲之食之教
之誨之命彼後車謂之載之疏
箋云極至也

瓠葉四章章四句

瓠葉大夫刺幽王也上棄禮而不能行雖有牲牢饗餼
不冝用也故思古之人不以微薄廢禮焉

幡幡瓠葉采之亨之傳幡幡瓠葉貌庶人之菜也君子

有酒酌言嘗之疏

經言瓠葉故傳云幡幡瓠葉兒巷伯傳幡幡猶翩翩也幡幡正偏反少嫩

之時故又云庶人之菜也胡承珙後箋云傳以瓠葉爲庶人之菜者不過極言其物之微薄以見維其禮不維其物如蘋蘩藇藻可以薦鬼神而羞王公之意未嘗以全詩皆言庶人之禮也鄭箋泥於傳意以君子爲庶人之有賢行者與序思古意不合又云孰瓠葉以爲飲酒之蒞農功畢乃爲酒漿以合朋友與邶風箋瓠葉苦謂

八月之時說亦不合案胡說是也七月篇言斲瓠作菹
自在八月則采亨瓠葉其時尙早傳言菜者當是中鼎
實之芼若苽蘋藻皆謂芼爲菜此其義據當時庶人
之禮或用瓠葉以爲芼傳必有依據而言之也楚語云
庶人食菜楚茨傳云亨飪之也亨飪瓠葉以爲菜下三
章三言兔首以爲所羞之肉皆是微薄之物行酌嘗獻
酬之禮序所謂不以微薄廢禮也○嘗者主人未獻於
賓先自嘗之也行葦箋云有醇厚之酒醴以大斗酌而
嘗之而美故以告黃耆之人
是主人固有先嘗之禮矣

有兔斯首炮之燔之傳毛曰炮加火曰燔君子有酒酌

言獻之傳獻奏也疏兔首亦示微薄之意王肅孫毓述

牛三頭牛十二頭孔仲達誤解頭字致有空用其頭其
肉安在之謂有兔斯首與有鶩其羽有捄其角句同斯
猶其也古斯其同聲故二者皆爲語詞箋斯白也今俗
語斯白之字作鮮齊魯之間聲近斯有兔白首者兔之
小者也此箋斯訓白王赫斯怒斯訓盡無獨斯畏斯訓
離皆不本毛傳毛曰炮古曰與爲通禮記禮運以炮鄭

注云裏燒之也內則炮取豚若將封之剝之實棗於其腹中編萑以苴之涂之以謹涂炮之涂皆乾擘之注將當爲牂謹當爲瑾案此卽裏燒之說也說文炮毛炙肉也義與傳同加火曰燔禮運以燔注加於火上說文火部燔藝也藝燒也亦與傳同○燕禮記獻公曰臣敢奏爵以聽命是獻爲奏也昭元年左傳子皮戒趙孟趙孟賦瓠葉子皮遂戒穆叔且告之穆叔曰趙孟辭乃用一獻其從之及享具五獻之籩豆於幕下趙孟辭乃用一獻趙孟爲客後箋云此詩當是一獻之禮禮有獻有酢有酬而後一獻之禮終古者士禮一獻既夕禮注云士脂兔用

有兔斯首燔之炙之傳炕火曰炙君子有酒酌言酢之

傳酢報也疏炕火曰炙正義云炕舉也謂以物貫之而舉於火上以炙之據孔所見傳當作抗火

賓之初筵傳抗舉也舉肉加火是謂之炙生民傳貫之加於火曰烈烈卽炙也禮運以炙注貫之火上是貫卽抗也若依今本作炕火則炙與燔無別矣說文注亦以此傳炕爲俗字哀十五年左傳欒寧將飲酒炙未孰聞

亂行爵會炙此飲酒用炙之證也○酢報楚茨同說文
醕客酌主人也从酉咎聲今經典皆以酢為醕矣酢者
賓所以報主人之獻也故謂酢為報箋云報者賓
既卒爵洗而酌主人也行華箋云客答之曰酢

有兔斯首燔之炮之君子有酒酌言醕之傳醕道飲也

疏醕道飲道飲謂主人自飲復道客飲也箋云主人既
卒酢爵又酌自飲卒爵復酌進賓猶今俗之勸酒說

文云醕獻醕主人
進賓也字或作酬

漸漸之石三章章六句

漸漸之石下國刺幽王也戎狄叛之荆舒不至乃命將

率東征役久病於外故作是詩也疏箋云荆謂楚也舒

屬正義云又有舒龍謂之羣舒文十二年左疏云世本
偃姓舒庸舒蓼舒鳩舒龍舒鮑舒龔漢書地理志廬江

郡舒故國莽曰昆鄉龍
舒應劭注云羣舒之邑

漸漸之石維其高矣山川悠遠維其勞矣傳漸漸山石

高峻武人東征不皇朝矣疏漸讀為暫假借字也繫傳

也礪石山也連言之曰暫礪或曰嶄巖上林賦嶄巖參

峩又曰嶄巖高唐賦登嶄巖而下望竝字異而義同節

南山傳嚴嚴積石兒嚴嚴卽礪礪漸漸卽暫暫古斬聲

嚴聲同也傳云山石高峻疑峻下奪兒字玉篇漸岩高

峻兒或作礪有兒字可證說文峻或作峻悠亦遠也勞

勞苦也○武人謂將率也荆舒在鎬東東征者東征荆

舒也舒為荆之屬序云戎狄叛之荆舒不至乃命將率

東征詩本為用兵荆舒而作戎狄乃連而及耳箋以漸

漸之石二句喻戎狄山川悠遠以下四句指荆舒皆非

義用王肅意以上四句為征戎狄下二句征荆舒皆非

經指皇暇也朝音朝夕之朝不皇朝猶言無暇日耳左

傳云朝夕之不皇句義相同王肅述毛以為不暇修禮

相朝正義駁之是矣箋訓皇為正言不能正荆舒使之

朝王然與序役久病外不合恐亦非經指何草不讀篇

哀我征夫朝夕不暇以刺用兵之不息此刺征

人役久為病兩詩皆為下國刺幽王其意一也

漸漸之石維其卒矣山川悠遠曷其沒矣傳卒竟沒盡

也武人東征不皇出矣疏爾雅卒有四訓盡也已也終

故傳於節南山之卒為盡而於此卒為竟竟猶窮也維

其卒矣與維其高矣意同說文物終也沒與物通傳云

盡者言欲歷盡久長之道也亦維其勞矣之意○出猶行也

有豕白蹢烝涉波矣傳豕豬也蹢蹄也將久雨則豕進

涉水波月離于畢俾滂沱矣傳畢喝也月離陰星則雨

武人東征不皇他矣疏豕豬爾雅釋獸文當入釋畜鑑

述聞以為涉上文兔子蹢而衍郭注云今亦曰彘江東

呼為豨皆通名邢疏引小爾雅云彘豬也其子曰豚大

者謂之豕或謂之豕東楚謂之豨其子或謂之豚或謂之

豨吳楊之閒謂之豬子案此具異名也爾雅四蹢皆白

名而四躡白者又別其名曰駭也箋四躡皆白曰駭則
白蹄其尤躡疾者鄭亦以白躡爲駭矣駭與駭同說文
蹠足也蹄俗字白蹠涉波豕之性也烝進也傳云豕進
涉水波以釋經義云將久雨釋文一本作天將雨案一
本是也雨上又奪一大字耳正義本據傳文作天將大
雨四字可證下箋云將有大雨亦豕傳言也傳蓋按湧
池句作訓也正義云毛以下經月離于畢爲雨徵類之
則此亦兩徵也言役人遇雨之勞苦也孔說得毛指矣
詩不言東征偕雨以況勞苦之情東山篇云我徂東山
惛不歸我來自東需雨其濛亦此意也○離讀與麗同
論衡說日及淮南子原道注引詩作麗盧令箋畢喝也
彼正義引釋天喝謂之畢李巡云喝陰氣觸起陽氣必
止故曰畢畢止也史記律書北至于濁濁者觸也言萬
物皆觸歟也故曰濁索隱引爾雅濁謂之畢今郭本作
濁李本作喝喝濁其義皆與觸同也案小星傳五喝爲
柳星此當依史記作濁讀爲觸爲正字仲尼弟子列傳
集解引毛傳畢濁也釋文云本亦作濁此古本傳作濁
之證孫郭爾雅注竝云掩兔之畢或呼爲濁因以名星
其字亦皆作濁也傳云月離陰星則雨者正義云以畢
爲月所離而雨是陰雨之星故謂之陰星是也畢而方

宿實沈之次也書洪範篇月之從星則以風雨江氏聲
集疏云漢書天文志云西方爲雨雨少陰之位也月失
中道遂而入畢則多雨此則非鄭君說也依鄭君之
說雨爲木氣畢西方金宿金克木木爲妃畢好其妃故
多雨也志又云月失節度而妄行出陽道則早風出陰
道則陰雨是亦一說也東北東南皆陽道而則陰道也
毛傳云月離陰星則雨與志言出陰道相似也史記仲
尼弟子列傳云孔子既歿弟子思慕有若狀似孔子弟
子相與共立爲師師之如夫子時也他日弟子進問曰
魯夫子當行使弟子持雨具已而果雨弟子問曰夫子
何以知之夫子曰詩不云乎月離于畢俾滂沱矣昨莫
月不宿畢乎他日月宿畢竟不雨有若無以應是滂沱
爲多雨之說也與案滂沱詩考引史記作滂池說文滂
沛也初學記引說文池者陂也大雨沛然下衆積水成
陂是爲滂池新臺河水浼浼傳云浼
浼平池也與此義同○他古作它

荅之華三章章四句

荅之華大夫閔時也幽王之時而戎東夷交侵中國師

旅竝起因之以饑饉君子閔周室之將亾傷已逢之故作是詩也

茗之華芸其黃矣傳興也茗陵茗也將落則黃心之憂

矣維其傷矣疏茗陵茗爾雅釋草文釋草又云黃華蓰

云陵茗之華紫赤而繁列女傳擊變篇顏若茗之榮蓰毋遽注云陵茗之草其華紫蘇頌本草圖經云紫葳陵

霄花也初作藤蔓生依大木歲久延引至顛而有花其花黃赤夏中乃盛陶隱居蘇恭引郭云陵霄按今爾雅

注無陵霄之說郭又謂茗為陵時本草云今紫葳無陵時之名而鼠尾草有之乃知陶蘇所引是以陵時作陵

霄耳陸機義疏茗一名陵時一名鼠尾似王芻生下溼水中七八月中華似今紫草郭從陸說案義疏與圖經

不同與在杭州西湖葛林園中見陵茗花藤本蔓生依古柏樹直至樹顛五六月中花盛黃色俗謂之即陵霄

花與圖經目驗合陵茗草類故爾雅入草部而本草繫於木部者以其蔓生木上故也黃華見於樹末其即爾

爾

雅之黃華葉者歟葉者末也白華見於樹本故爾雅白
華者為茂華有黃白二種其紫者疑又一種也芸者
之假俗云與者陵若之幹喻則黃者黃為蕐黃非其
也箋云與者陵若之幹喻則黃者黃為蕐黃非其華
或謂諸夏為諸華華衰則黃猶諸
夏之師旅罷病將敗則京師孤弱

若之華其葉青青傳華落葉青青然知我如此不如無

生疏

華落葉青青然者意承上章而言上言華黃將落
此言華已落但見葉青青然唐杜傳菁菁葉盛

也假借字作青青箋云京師以諸夏為障蔽今陵若之
華衰而葉見青青然喻諸侯微弱而王之臣當出見也
傳華落箋華衰猶上章傳將落則黃箋華
衰則黃不異義也正義謂箋易傳者非

牂羊墳首三星在罽傳牂羊牝羊也墳大也罽曲梁也

寡婦之笱也牂羊墳首言無是道也三星在罽言不可

久也人可以食鮮可以飽傳治日少而亂日多疏爾雅
羊牝

豸也。豸傳所本也。羊吳羊吳羊之牡者曰豸。豸者則曰豸也。魚藻傳頌大首兒。豸頌聲同。郝懿行爾雅義疏云。豸蓋同。豸言高大也。豸猶豸豸言肥盛也。今吳羊高大而肥。盛詩曰豸羊。豸首豸即豸矣。言豸羊而牡首故毛傳言無是道也。案郝說是也。吳羊牡者多有角。牝者無角。雖有角而不能如牡之大。豸首謂頭角之大。正義云。豸小羊而大首失之矣。廣雅三歲曰豸。則非小羊可知。易林中孚云豸羊肥首。君子不飽年飢。孔荒士民危殆。古墳聲如肥墳。首作肥首。或本三家詩也。蠶詳魚麗篇箋云。無是道者。喻周已衰求其復興不可得也。不可久者。喻周將亡。如心星之光耀見於魚笱之中。其去須臾也。○鮮少也。經言人會少飽傳乃申明之云。治日少而多也。

何草不黃四章章四句

何草不黃。下國刺幽王也。四夷交侵。中國背叛。用兵不息。視民如禽獸。君子憂之。故作是詩也。

何草不黃何日不行何人不將經營四方傳言萬民無

不從役疏上章言黃下章言玄黃玄猶玄黃也爾雅玄

草病亦謂之玄黃大戴禮用兵篇草木嫗黃嫗與玄疊

韻玄與黃雙聲是合二字成義詩人偶分屬上下章耳

蓋首二章以草之病喻人之病末二章以兕虎芄狐喻

軍旅之勞苦非以草黃草玄分說紀用兵之時也易林

蒙何草不黃至末盡玄室家分離悲愁於心分說黃玄

此非毛義○將行也傳云言萬民無不從役此總釋經

義序所謂用兵不息也

何草不玄何人不矜哀我征夫獨爲匪民疏詩小學云

憐也苑柳傳矜危也何人不矜言夫人而危困可憐不

必讀爲鰥詩敝笱鰥與雲韻存弟十三部苑柳矜與天

臻韻何草不黃與玄民韻桑柔與旬民填天韻在弟十

二部漢人十二十三部合用多偕矜爲鰥寡字而書堯

典康誥無逸甫刑詩鴻雁孟子明堂章皆作鰥不假偕

矜字惟丞民作不侮矜寡則漢後所改而左傳昭元年

引不侮鰥寡不畏彊禦固作鰥何人不矜當從
本字非鰥之假借字也○箋云征夫從役者也

匪兕匪虎率彼曠野傳兕虎野獸也曠空也哀我征夫

朝夕不暇疏傳以兕虎為野獸兕虎比戰士也曠空雙

聲曠野廣大之野白駒傳空大也廣雅疏證云匪彼也

言彼兕彼虎則率彼曠野矣哀我征夫何亦朝夕於野
而不暇乎猶下文云有芄者狐率
彼幽草有棧之車行彼周道也

有芃者狐率彼幽草傳芃小獸貌有棧之車行彼周道

傳棧車役車也疏兕虎言故以狐為小獸也箋云狐草

行草止故以比棧車輦者伐木傳云幽深也周語野無

與草章注云與深也與草賈逵本作冥草玉篇冥草深

也說文冥幽也義並同○周禮巾車上桑棧車庶人桑
役車鄭注云棧車不革輓而漆之役車方箱可載任器
以其役是棧役本二車二車皆無革輓故考工記輿人
棧車欲弇亦統役車而言箋謂輦亦依役車任器者而

言之也。杖杜檀車。幃幃傳檀車役車也。與此同。旣夕禮
注。今文棧作轅。成二年左傳。字作輶。輶輶皆棧之異體。
說文云。竹木之車曰棧。鹽鐵論散不足篇。古者惟車無
柔棧。輿無植蓋。柔卽輪。輶車輶也。無輶謂無輶。無植謂
無輶。或古者棧車無輶而輶亦不革輶歟。

卷二十二終

武林變日軒朱兆熊鐫